

四庫全書

史部

欽定四庫全書

史部

福建通志卷五十七

詳校官監察御史_臣陳化龍

檢討_臣德生覆勘

總校官檢討_臣

何思鈞

校對官中書_臣

張曾炳

謄錄監生_臣

沈成均

欽定四庫全書

福建通志卷五十七

列女四

漳州府

宋

崔氏

蜀郡人封魯國太夫人知學能文龍溪少師黃彦臣之妻初彥臣娶於陳贈陳國夫人生殿撰願再

娶括蒼吳贈吳國夫人生大夫碩御史穎預同朝侍奉彩衣斑斕子壻陳錫亦聯朝綴時人榮之穎偶以

公過褫一官夫大責之曰汝在官不懋穎惶恐拜謝預與婦翁諫議陳師錫同僚夫人喜曰汝當知無不

言以汝子婦翁為法卒
忤蔡京者國太誨之也

陳氏

龍溪許登妻登家世黜裔弱冠未知學陳諫曰席

耶登感其言遠力學充內庠三領賢書紹興戊辰成
進士知興國州北警漸至陳曰何不賦歸來共老此
生繩先緒固不在高官
也其審於進退如此

李氏

漳浦人以詩名其姊大李亦能詩相與唱和有汲
水書懷二詩汲水詩云汲水佳人立曉風青絲轆

盡轆轤空銀瓶觸破殘粧影零亂桃花滿井紅書懷
詩云門對雲霄碧玉流數聲漁笛一江秋衡陽鴈斷

楚天澗幾度

潮來問過舟

王氏

漳浦吳興之母也與為懷安令迎侍官舍日組緝
絲枲為女工與即解中治亭宇植花果以娛母且

回請稍暇逸母曰吾少而治之如吾兒治公事之外更復讀書何間然也自與初官時即戒以事君臨民大節令其勤公潔已移孝作忠慎無貪躁貽母恥辱後為官有清譽於民皆母之力也以子貴封太孺人

明

蔡氏

名玉卿漳浦學士黃道周繼室也幼讀書知大義嘗與其姊割臂療母疾及適道周事姑孝益淹博

古今事通性理道周廷杖繫獄玉卿寓書謂天王明聖不日霽顏語不及私迨道周出關復致短札云自古忠貞豈煩內顧身後之事玉卿圖之道周既死乃使其長子偕門客之江南得齒髮以歸葬北山墓側雖流離播越不脫衰經與子姪言不踰閩晚卜居龍潭長齋二十載卒年八十三玉卿善臨池代道周作行草幾奪真嘗偕北上舟中臨衛夫人帖人爭以匹錦售之然皆署道周名晚年乃自署亦不輕與人也

所著詩文多不自傳僅得
其寄鄭母及憤慨數章 以上名媛

唐

林氏

漳浦勤自勵妻天寶末自勵充健兒隨軍安南及
征吐蕃十年不還林父母奪其志將婚之夕自勵
還聞之不勝憤伏劍詣之行且至暴雨天晦電光中
見道左有空心樹入避之少頃聞有呻吟來者驚問
之答曰妾林氏夫勤自勵從軍未還而父母逼嫁我
以今夕婚我不從避於宅後為虎所逼至此自勵曰
我即勤自勵也告以已還及伏劍之故相持
而泣頃之虎至自勵以劍刺殺虎負林還家

宋

陳氏

龍溪人諫議陳師錫之女御史黃預之妻政和間
預以直言忤二蔡貶知邠州卒邠距漳萬里陳年

尚少買舟攜幼扶觀航海而歸守志教子後子瀟孫熙仲杰棟相繼登科

陳氏

龍溪人年十五父病藥弗能療禱神別肝以進父食之愈

林氏

龍溪人年十九適於謝踰年而寡以全節終宰趙絳太守李韶碑於墓曰宋節婦

王氏

龍溪蘇宋傑妻年二十一而寡父母欲奪其志時已有娠誓曰男女未卜俱當撫守父母怒絕其往

來既生男不歸寧者七載孀居壽八十五終其後子孫俱以科第顯

元

廖氏

魏亦顏妻亦顏本莆人家龍溪未幾卒廖年二十四子七歲時宇內騷擾姑攜子轉徙村落間饑

寒不繼截髮自誓大德間旌表

林氏

名佛奴龍溪郭德明妻夫死家貧父母欲有他圖不從至元中南勝寇作城中洶洶出走或勸林行

林曰姑病何行已賊潰婦姑無恙至正間陳友定入漳亂兵執其孫惠林抱持之刀斫其手乃舍之去孀

居四十

六年

戴氏張氏

南靖吳家婦也戴為伯妻張為叔妻伯卒遺一孤姑諭戴改適堅志不從已而姑卒叔亦

卒張母欲令張再嫁張曰向者有姑與叔在足以撫孤戴氏尚不更志今相繼淪沒諸孤俱幼吾獨不能效戴氏乎時元李氏喪亂父子兄弟離析而二婦與諸孤相保無恙時謂天實祐節

黃氏

名妙觀龍溪蔡安繼室至正間安令潮陽便道過家陳友定臨漳安被執與黃訣曰生死未知汝可

改適黃掩淚答曰烈女不事二夫君何薄妾之甚耶剪髮示安後安果不歸妙觀以節終洪武間旌門

明

黃氏

龍溪陳景育妻年二十而寡父母欲奪其志斷髮自誓子國華娶韓氏生子道元而國華亡韓同姑

撫育及長娶婦魏氏魏生二子而道元又亡魏與二姑三世一節俱以壽終

黃氏

龍溪康居祿妻夫卒黃年二十六男昇方四歲誓不復嫁奉舅姑鞠孤子節操凜然洪武丙辰夏五

暴雨水高數丈居民漂溺黃升屋呼天水為之殺人以為節母所感云

雍氏

長泰黃伯英妻早寡孝養舅姑嘗攜男向水磨磨豆鄉約以次為序有廖仲絃後至而奪之麥入磨

磨不旋絃曰水弱也益堰水激之水下如雷不旋如故衆驚訝趣絃出麥而下雍豆磨旋如初咸詫為節

孝所感洪

武間旌門

陳氏

長泰李德淵妻年十九夫歿遺腹生男時舅姑與夫三喪未葬陳艱苦拮据終克襄事孀居六十餘

載洪武

時旌表

陳氏

名貞姐龍溪宋史妻史卒年二十有六姑欲嫁之入室自經遇救不死卒全其節

林氏

名淑清龍溪方本誠妻永樂時本誠以事逮入京死林年十八遺腹生女繼祖姑老且病勤勞奉養

祖姑歿田產悉為豪族侵奪乃抱神主攜孤女依父母家年七十終

李氏

龍溪王嘉團妻年二十二而寡立夫兄子瑱為後瑱聘吳三姐未婚而病三姐減齡密禱及瑱歿棄

服奔喪時李有疾侍湯藥者旬餘密製列衣李稍愈即自縊解纒端立顏色如生時年十八萬歷中旌門

劉氏

龍溪王尚友妻嫁一年而寡有衛帥欲娶之劉誓死不移卒貞白一節

涂氏

龍溪王廷思妻廷思父彝孝子也涂事舅姑謹彝教諸孫女他日事舅姑當以涂為法年二十三廷

思卒停柩在堂忽溪水暴漲涂不離柩旁立水中一晝夜已而水落無恙孀居積淚兩眼成疾

陳氏

名俞龍溪涂華妻夫卒男方晬家貧事舅姑盡禮人稱節孝

趙氏

龍溪楊常典妻夫歿趙年二十二子幼矢志不嫁流賊鄧茂七等沿掠鄉村相戒不入其室

顏氏

龍溪舉人汪範妻天順甲申會試範挈顏以行是年場屋火範與其厄顏求夫灰燼中殮載南還孀

居八十
餘卒

陳氏

名正龍溪人年十八嫁林瑞儀七月而夫卒持喪哀毀幾喪喪明事舅姑盡孝孀守七十餘歲終

韓氏

龍溪徐於海妻年二十四而寡生子昱甫七歲後昱亦大生孫復死韓氏七十餘孤苦無歸鄉人哀

之

張氏

長泰楊佳任妻喪夫時年二十三遺腹甫四月泣血不食絕復蘇必艱鞠育後壽至百餘歲

張氏

龍溪蔡邦禮妻嫁三載夫死家貧具甘旨奉姑自食麥糜夫族有欲謀害其孤者乃歸依母家三十

餘年以存蔡之門

周氏

龍溪陳子容妻讀書知大義年二十五夫亡守節課子俊後俊以貢校博羅訓導弘治間旌門

鄭氏

名淑潔龍溪蔡顥舉妻夫卒年少父欲嫁之鄭出其奩粧衣服盡歸於父終身不復歸寧

陳氏

長泰蘇會嘉妻宣德中夫隨使者封葬王溺海死陳紡績奉姑撫遺孤以壽終

林氏

名淑瑤龍溪貢士莊同妻同赴京卒於途林年二十五子弼僅週歲舅姑有季女贅壻於家偏愛之

逼林改適且奪其子乳於他人又虐使獨費林飲苦
二十餘年既而李女及婿皆暴亡無後舅姑又相繼
歿弼長受室母子乃
即安壽八十有五

王氏 龍溪人漳州衛百戶徐繼妻夫亡無子妻鍾氏有
娠已而生男王撫育之如已出事姑李氏三十餘
年小心敬愛營葬其家四喪嫡庶相守
以至沒齒子英孫襲職登武科進士

鄭氏 龍溪蔡朝靜妻年十七夫亡傭織撫孤母陰
受人聘鄭斷指自縊夫女弟救之卒全其節
王氏 漳浦林琥妻年二十七夫亡慟不欲生姑曰高堂
垂白二孤未長死而置此豈謂慈孝乃惟命後壽

九十詔書旌門子文貢
博士孫楷為翰林檢討

林氏 漳浦徐毅妻年十八夫歿遺腹生男已
而舅姑繼亡躬營塚墓孀守六十餘年

陳氏

漳浦林聰妻早寡守二子有暴隣陵轢之歸依母兄家母兄勸之嫁不從徙匿荆棘中拾斷穗採草

根為食長子忽病目陳呼天叩禱尋復初後子成立子孫多以文學甲科顯

戴氏

平和張淵妻年二十五夫亡無子舅姑憐其少欲嫁之憤泣赴水以救免屏居一室足不踰閭守節

五十
年終

李氏

龍溪莊士因妻名淑明夫死不嫁養姑無怠姑歿貧不克葬正統間寇掠鄉里李衰麻慟踊盜憫之

不入其家兄平鄉人憐其節義助營葬焉

林氏

長泰蔡德和妻幼時家稱孝女迨歸德和家貧悲饑餓以奉舅姑舅有疾隆冬思笋多方供具姑病

瘧乏薪火以身煨之又病癰親為吮舐及不起泣血幾絕後德和非辜罹獄飲恨不食十餘日卒夏月飛

霜鄉人哀奠者數百人

林氏

漳浦舉人徐輔妻輔北上道歿林年二十八撫孤藻成人娶婦周氏而夫遺孤棟甫三歲姑婦矢志

相依以終嘉靖時建坊旌表

陳氏

名杏姐龍溪黃覃恩妻夫卒陳年二十四繼姑逼之嫁夜自經以救復蘇遺腹生子舅老病泄痢七

年陳躬為浣滌正德丙寅山寇至揮刀斫其舅陳以身翼之臂傷血注神色不變謂賊曰寧殺我勿殺我舅賊義而釋之嘉靖間子宗繼與姪二人皆為賊所掠陳令人賣金先釋二姪次及其子鄉人上其事於有司旌之

年九十卒

陳氏

漳浦劉養大妻年二十四夫卒遺孤五月欲以身殉諸母以親老孤幼泣解之會盜起鄉人竄匿陳

獨以死衛夫棺盜亦不抵舍舅姑歿喪葬盡禮其訓孤不獨任慈曰所以哺子人飴我茶人乳我血後子廷蕙成進士官郎中詔旌其門

鄭氏 龍溪顏波妻年少夫亡舅姑歿一門五喪罄產殯葬以壽終嘉靖時旌表

蘇氏 龍溪陳汝賢妻年二十七夫亡屢自縊以姑救免守節近五十年

林氏 龍溪鄭濬哲妻年二十五寡堅守無二志姑陳年老性躁林委曲承順孝敬不衰年七十四卒

盧氏 南靖陳文閑妻夫死苦節自持一日隣失火姑柩在堂盧拊棺大慟欲與俱焚火旋滅所居無恙

陳氏 南靖林伏豸妻年二十二寡足不踰閭姑病癰口吮之及舅姑歿家有九喪林拮据萬狀卒歸窀穸

年七十
餘卒

陳氏

海澄林瀾妻嫁三載瀾卒孤方一歲陳誓死不二事繼姑李尤孝時大疫姑染病篤陳日侍湯藥未

嘗離側姑歿俗忌疫不敢哭陳獨哀奠如儀竟與孤子俱無恙以壽終

江氏

海澄人適張思瀛瀛死江年十八無子而舅姑老

家益貧矢志彌堅撫五歲姪為夫後舅姑終竭力營葬又營夫塚與已同穴守節三十七年卒

柯三娘

龍溪柯乾恭季女也乾恭無嗣生三女長次俱適人三娘及笄父為擇壻辭曰請終侍養父母

憐其志謀里中人入贅三娘曰能分女孝非始願也啣指出血截髮垢面父母乃弗強及二親沒哀毀盡禮衰經未曾去身服除年未四十諸母謂曰今可以適人矣三娘泣曰若欲適人適當已久年七十七卒其夕有黑雲遶屋之異

黃氏

名瑛玉南靖陳欽成妻年十八夫卒矢志不二孝事舅姑喪葬如禮郡給粟帛獎之年八十終

林氏

南靖陳資偉妻夫歿年二十八長男漢甫九月次端尚遺腹林剪髮誓守二子後皆成立其孫茂馨

之妻許氏與曾孫女二姐嘉靖末賊至俱以貞烈死

杜氏

南靖陳江妻年二十四夫亡夫妹亦寡杜迎於家與之同義俱以節聞杜年八十有九

魏氏

海澄黃顯妻顯臨歿魏斷指與訣後翁姑俱死於疫躬殮如儀不避凶厲年八十九

曾氏

海澄蕪鴻節妻年二十喪夫父母強之再適斷髮垢面堅守不移遂不復歸寧請於舅姑立嗣為後

年八十五以節終

李氏

海澄江必鸞妻鸞歿李欲死殉所親諭以存孤為重乃撫子周楫俾得成立以延如綫比長娶於郭

未幾周楫又歿李慟弗自勝郭慰姑願終身奉事以保餘年姑婦相依後先一節

葉氏

漳浦葉期遠女許配吳維翰維翰父天祿以誣陷坐辟期遠耻與為婚還其聘改許於楊女誓死必

歸吳期遠與楊約婚有期矣女投水為家人所援使聞於翰翰母踵宅慰之女聞姑至遂拜堂下先正婦姑之禮與之偕歸宗伯林士章致書期遠以貞女為賀期遠始釋然女與維翰竟偕老焉

胡氏

漳浦人郎中胡文耀女蘇可教妻年二十可教應試溺死胡求得夫屍手沐以殮時遺孤民俊甫六

月忍死撫教後民俊成進士授戶部主事疏陳母節奉旨建坊旌表

陳氏

漳浦徐循行妻年二十四夫歿遺腹生男潛抱歸父家矢志堅守至六十二歲

劉氏

漳浦沈汝棟妻歸沈佐佐夫力學事舅姑孝數年二十夫疾朝夕籲天祈以身代及亡慟絕數四欲

殉舅姑強起之為夫立嗣家居不踰房閭雖至親鮮觀其容年七十餘終萬歷時詔旌其門

洪氏

龍溪蔡應魁妻三載而寡遺腹生男與姑相依姑歿哀毀盡禮自孀居後不至外家之門

柯氏

南靖陳宗妻年二十四夫亡遺五孤兒柯上事姑下撫兒後以子昂貴封太安人旌表

陳氏

龍溪郭士侗妻歸二年士侗卒遺腹生男又殤妹適於謝其夫亦歿以栢舟相勉及病却藥死年三

二十

陳氏

龍溪舉人江汝松妻夫歿陳年二十三生子思孝甫三日毋諷改志陳指孤泣曰江氏四世遺此而

已斷髮自誓事姑甚孝謹姑歿停柩值洪水暴漲終夜守柩立水中號天大慟水為退舍

鄭氏

龍溪諸生黃弘妻夫亡家徒四壁母欲改嫁之斷髮自誓終身不歸姑歿躬負土埋葬年五十六始

終完
節

丘氏

龍溪顏光魯妻年二十二而寡母諷之改嫁斷髮自誓翁姑喪葬拮据盡禮年六十九卒

戴氏

平和李廷仰妻夫卒遺孤思賢撫教之長入邑庠中歲而殂婦張氏痛夫堅餓以死其子正心方七

歲戴復為撫養之至於成人

林氏

名靈金平和張志穆繼妻生子六歲而志穆卒姑逼嫁之至加笄楚終不易志撫其前妻一女二子

如已出後姑歿哀毀盡禮躬為營墳併葬前妻後二子俱成立

潘氏

平和張鳳妻鳳卒潘年二十二無子舅姑繼歿潘矢死靡靡他立族子為嗣躬教督之終身無玷

王氏

平和林碧玉妻年二十三而寡遺腹生一子舅姑垂白遭凶年忍饑寒苦守終身人欽其節

李氏

平和張國材妻年二十五夫歿姑老病喪明無所依李矢與姑同存亡善事之秉節終身

陳氏

平和李宸揚妻年二十而夫卒無嗣陳矢節苦守喪葬畢立夫姪為後母子相依終成勵志

謝八娘

海澄江光彩妻光彩家貧遠商萬歷時呂宋酋變戕殺華人無數光彩與馬八娘聞訃欲絕姑

及祖姑慰之曰有遺腹在萬一生男祀可勿斬也閱三日果生男荼苦備嘗有幼孤成立祖姑及姑喪葬皆其襄事焉

林氏

海澄周士達妻士達以儒士赴省試溺死林痛哭求屍不得坐卧席地淚漬數磚久之皆成血蹟子

尚德領萬厯

辛卯鄉薦

李氏

海澄阮紹煌妻年二十二而寡斷髮誓志年八十餘

陳氏

海澄郭琯妻夫死家貧罄貲殯殮尋值凶荒減餐養兒哀慟泣血至於喪明人義而哀之

李氏

海澄柯喬清妻喬清客死饒州李年二十六聞計哀慟絕食七日翁勉慰之乃食時孤挺尚幼課之

力學後舉京闈第一成進士
以挺貴封孺人年八十終

鍾氏

海澄吳廷輿妻年二十六夫歿事繼姑盡孝姑歿舅老疾侍養尤謹撫夫弟二孤女恩同己出守節

三十餘
年卒

石氏

海澄人嫁李任祿夫死遺孤世奇方九歲石撫且教小過必朴曰昔若母今若父矣若勿負我使我負九泉人迨世

奇讀書中秘欲以母苦節上聞母愀然曰婦事夫猶臣事君適際其難分所當為何節之有且汝幸通籍於朝天之報我不薄矣若復受旌人將謂以庶常之母故非旌庶人之妻也若其求庶人妻之苦節者以闡潛德可耳年九十四終

陳氏洪氏

俱海澄學正周一陽子婦也陳氏者長子學樂婦洪氏者次子學射婦二氏並孀奉事舅

姑一陽清修學古二婦冰玉相映時論美之洪氏孤起元舉萬厯進士

王氏

海澄魏統妻夫卒子呈鑄甫三歲叔有異志乃徙依外家賃草舍以居課兒學稍懈輒自刺其掌兒

為驚奮比呈鑄補邑諸生王乃歸故居營夫葬事而終老焉所坐紡織處終歲不離寸許人至起立比去還坐如初其貞靜如此壽七十餘

陳氏

南靖吳應魁妻夫死遺腹生男拮据撫誨皓首冰清

陳氏

南靖鄭宗奇妻年十八夫亡屢絕食不死守節六十載所坐室前梅樹白雲時繞冬有菁萼

杜氏

南靖李吼子妻家赤貧奉姑至腆嘗與夫上山採筍虎攫夫杜追及扳其尾斫其背虎為舍去負還

復生鄉里

咸驚異

張氏

詔安林彥佩妻彥佩死張年二十五以舅姑在守死自誓舅姑歿負土為墳苦節六十年終

黃氏

詔安楊敬妻年二十三而寡人語以他適則痛哭誓曰予有腸全副可不轉揚有孤三週可垂後又

幸有園二畝可療饑安用適人為常廢午炊篝燈紉織以教其子年七十有二卒孫觀吉進士

陳氏

南詔十戶郭泰妻夫亡遺腹生子子繼織紉撫育繼長生子良弼未襲職而歿良弼子藩襲職未幾又

歿良弼妻馬氏藩妻許氏與祖母陳氏守志同冰潔人稱異之

陳氏

詔安高尚賢妻年十六歸高善事姑與夫挽車提甕孝養備至夫歿陳年二十五育女三遺腹生男

苦節備織養姑姑亡貧無措鬻女殮埋後男欽事陳亦以孝聞

李氏

南靖許思謙妻嫁甫三月思謙卒李欲身殉聞姑涕泣無依乃忍死事姑三十餘年以節終

程氏

漳浦副使程應龍孫女年十六許字大學士林鈺之子淳未婚而卒女聞訃悲號遂縞素詣林立夫

姪為嗣守節以終

張氏

漳浦盧煩妻司徒盧維禎子婦也父一棟故姚安守張幼而慧從父之官擬斷獄能得其情父大奇

之十九歸煩煩豪公子張以禮自持相對無褻容逾年煩卒舅姑繼歿有族子謀殄其家覆巢毀卵張獨力支持終保其孤勤儉孝敬作止可法崇禎時奉詔旌表黃道周為作節孝序年九十三終

程瑗姐

漳浦諸生程念梅女也念梅孝友無嗣瑗姐誓不適人以奉二親及死瑗姐痛父弗血食刺血

書父行白按軍得祀鄉賢瑗姐少知書家貧為女塾師自給名閨多禮之以壽終人比之嬰兒女

許氏

平和李曰俊妻年二十九而寡值粵寇張璉作亂許以一孀婦特門戶兼課督諸孤篝燈夜讀紡聲

與書聲相間後諸孤皆成立孫光熙成進士猶逮許氏之存年九十餘黃道周爲之銘

張氏

鎮海衛應襲指揮桂蕃妻蕃爲父奏事於京途卒張年二十二孤方在乳哀毀守志坐卧一小房人

罕見面
以壽終

何氏

鎮海衛鄭彥明繼妻年二十適鄭三載夫亡撫前子若已出舅姑憐其寡給銀四十兩爲資用何侯

孤十六歲付之封識宛然
孫爾以歲薦仕祁陽知縣

以上節孝

唐

陳氏

名性溫刺史陳鄴女將軍元光之曾孫女也適鄭伯嘉伯嘉溺死性溫自經以殉宋紹興聞詔贈福

紹夫
人

宋

岳氏

岳武穆女許配漳浦高登第四子武穆被收女方幼遂抱銀瓶赴井死世傳銀瓶小姐是也按察梁

大用亭覆其井榜曰孝娥劉瑞銘之畧云天柱艤日為月禍忠烈父冤莫雪赴井抱瓶泉化血曹江之娥符爾節噫嘻井可竭泉名不可滅

元

陳氏

名德金字怡清右丞晉國公羅良之繼室也至正間陳友定據福建發兵攻漳良謂陳曰國破身亡

理之正也吾聞忠臣不顧家汝當自為計陳泣曰婦人之義有死而已夫既與國同存亡我亦與夫同生

死城陷良決戰死陳遂投後園池中有侍婢亦從死漳人葬之綠江號烈婦塚

蔡氏

名三玉龍溪陳端才妻至元間盜據柳營江掠其里端才竄去三玉與夫妹匿神祠中盜入祠砍夫

妹見三玉美驅而納舟中欲污之三玉紿曰吾衣濕願得更衣而從汝盜往取衣三玉遂投江死越三日

屍浮依其父蔡廣瑞舟側廣瑞移舟上流屍亦逆流而上如是者三事聞詔旌其門

阮二姐

漳浦高耿妻耿家貧讀書年二十卒以貧故頓柩於北關外欲葬未能久之外姻竊用火化阮

駭聞奔往拊心痛哭遂投烈燄死當事聞而哀之命合葬而樹碑於道

翁氏

名壽安福寧郡佐達觀之女長泰縣令朱文公六世孫填妻也到任三日郡寇起攻城不得歸城陷

翁方盛年二女俱及笄有殊色度不能免因戒女曰女以貞潔爲守寧死義不可辱長女先赴井死次女

繼之翁引刀自刎而亡寇
相顧駭嘆因全其子鎬焉

明

戴氏

名祐姐龍溪丘孔文妻孔文卒戴年二十父母
欲奪其志涕泣不從母密受人聘戴聞投水死

鄭氏

名順常龍溪吳可贊妻年十九適吳未踰年夫卒
將營葬謂其姑曰乞爲雙壙姑不從告其父母懼

而防之壙
成飲藥死

楊氏

漳浦人嫁李氏子夫亡義不再適正統寇
亂被獲至南馬塲欲犯之罵不絕口死

朱氏

龍溪黃裏誠妻裏誠之京卒於途朱
年二十二聞訃哀毀絕粒越日死

林氏

龍溪蔡子善妻夫死姑
欲奪其志一夕自刎死

陳氏

南靖王良佐妻正德八年流寇劫掠隣村陳潛身遁至深渡賊猝至度不免赴河死後以子命爵貴

贈太安人

黃四娘

龍溪人嫁夫李能方十餘日嘉靖時流賊突至家人逃散四娘爲賊所獲入神廟欲污之四娘

紿曰天將晚俟夜可乎賊然之行至河投橋下死

蔡氏

龍溪人嫁鄭伯謙爲倭所獲守義不辱倭怒剖其腹死

朱氏

漳浦張冠期妻嘉靖末倭寇攻埔尾城寇期登城禦賊被傷死朱縊殉

黃氏

鎮海衛陳應科妻嘉靖末饒州賊陷城黃適歸寧父家父命與俱逃黃曰賊盈城逃將焉往旣而賊

攻其門黃義不受辱遂投井死其母繼之

游氏

鎮海衛林可貞妻饒賊擄繫行至天尊堂投井死

黃氏

鎮海衛諸生陳基妻饒賊陷城基持刀抗闖賊格殺之黃投井死

朱氏

鎮海衛諸生黃師文妻饒寇之難與其夫妹黃氏涂文之妻被執俱投井死

蕭氏

鎮海衛人朱黃妻饒賊陷城蕭同妯娌許氏蔡氏張氏連繩共縊而死

林氏

鎮海衛人翁瑞夫妻被饒賊執不屈抱子投井死

陳氏

鎮海衛吳志豪妻聞寇陷城先投井死

王氏

鎮海衛黃輝妻饒賊襲陷衛城輝出覘賊賊猝至不及避賊入室王度不免見賊掠戴夫帽痛詈之

以手批賊頭墜其帽賊怒殺之

戴氏

鎮海衛諸生朱鐸妻饒寇陷衛城戴扶姑避賊賊欲繫之罵曰吾頸可斷不可繫賊怒斫之并欲殺姑戴負重傷翼蔽姑曰寧殺我賊並釋之出城復遇倭寇不屈如初遂見殺後五日家人收其屍顏色如生

丘氏

鎮海衛李春元妻饒寇陷城丘與姑蔡被執賊索賄欲鞭其姑丘泣訴以身代賊怒拽殺之丘俯首就戮顏色不變賊感其孝遂釋其姑

蘇氏

鎮海衛蘇攀之妹饒賊欲污之罵不絕口賊支解其體

王三姐

南靖李碩果妻年十七歸於李倭寇至被擄投河死

丁大娘

龍溪人丁椿之女年十八未嫁饒寇流劫與父偕逃遇賊驅之行不從賊愛其色溫言慰之大

娘投
水死

葉二娘

同安人適海澄諸生林鳳翔早寡倭寇散掠二娘往同安襄父喪與衆婦遇賊獨抗不肯就賊

刃其胸二娘大罵曰死賊何不速殺我賊剗其唇猶罵不絕遂死之

吳貞姐

漳浦吳可法女年十五未許配嘉靖初海賊突至與其父俱被擄賊欲犯之哇罵不從賊曰我

將宰汝女給曰當以聞吾父時父在別舟賊移就焉遂跳入海死屍浮水面數里不沉鄉人咸設奠江澍

詹氏

長泰鄭鴻澤妻孝事舅姑嘉靖李年倭寇充斥詹謂諸婦曰倘見擄有死而已賊至抱一子坐田間

賊奪子刼使行詹唾罵不止賊抽刀刺之相與驚嘆因舍其子置近村得全活

楊氏

南靖諸生王維垣妻饒賊陷城與夫相失被執不污罵賊死

許氏

南靖陳茂馨妻饒賊陷城祖姑林氏年九十四病不能起茂馨與許氏及女二姐侍側不去賊至許

度不能免泣辭茂馨曰吾母女義不受辱祖姑老矣汝可扶去遂與女投井死時二姐方十四歲茂馨後

以貢爲廣文
隆慶初旌表

孫氏

南靖人漳浦訓導曾安邦繼室曾鄴都人也嘉靖季年賊圍城急孫言於夫曰君儒官也非有民社

寄脫不測願自愛妾則死矣城陷賊執安邦刺之孫即赴火死其子三俊哀號伏地賊爲感動安邦得免

事聞撫按給
厚資與歸葬

蘇氏

漳浦王大景妻嘉靖時避倭鎮海衛饒賊襲陷衛城蘇與大景扶姑出走被執恣罵不從中刃死賊

退收殮顏
色如生

許氏

海澄謝君福妻嘉靖時倭掠濱海君福攜妻避難途遇賊追甚急許曰賊所追利妾也得妾必死君

君不如釋妾自全妾死決不出鄉可收吾骸君福故勇悍左手提刀右挾許狂走許慮并及咬夫指令自脫時年二十餘美姿容賊望見歡甚擁之以去許佯諾行可數百步度夫已免遂厲聲罵賊求速殺不得則自投水中賊引出之罵益甚加之刃許捧血塗面賊剗其腹至死罵不絕口

朱氏鍾氏

俱海澄人朱氏許光妻鍾氏許瑞妻賊至溪尾先獲朱驅之行不從殺之并剗其孕繼獲

鍾被脫追及之亦遇害碎斷其屍見者莫不酸鼻

蔡氏

龍溪人年十六適昌森夫亡無子蔡哀毀盡禮坐卧不離柩旁食必先祭夫將就葬治酒食請姑及

母若訣別者及至葬所周視壙中完備密出剗刃自刎墓側已死猶扶立如生事聞詔旌之

毛氏

詔安人嘉靖間曾一本海上作亂其夫從軍往勤死毛哭之水濱俄有扇從海上飄來毛認爲夫手

澤遂赴海死

郭四娘

海澄人父明光許字劉運復甫筭運復得疾四娘減食毀粧亡何訃至告父母往殉之父母防

護甚密歷五日乘間死劉家舉其柩合葬焉

林氏

名細娘龍溪陳思程妻適陳事姑盡孝未幾思程亡林誓不獨生諸母勸慰之林剪其鬢曰髮可續

身乃可存也至大祥焚其衣裳別製殮服夜半就縊而死

林氏

龍溪霍通妻通以從戎死訃至號哭幾絕勸之者以娠方臨月宜少俟林領之已而生男數月而夫

喪至哭於北郊外抱兒乳之呼其夫弟曰嫂適暈此兒暫寄小郎隨闔戶投繯而逝

郭氏

龍溪人陳應美妻夫死舅本農家貧甚郭自稱貸以葬勤紉織收其直以償前貸餘以事舅且密製

殉衣舅諷之改志不應明年早荒舅復言且與婚者有期矣郭夜春且織至雞鳴往哭夫墓盡慟而歸跣

坐堂上引刀自刎者三已絕猶端坐不仆

陳二娘

泉州人適龍溪王從彝七日而夫歿陳遂扃戶自縊姑駭救之乃歸泉與母訣母堅止之一日

乘間入卧內端坐縊死舅姑往泉視之死三日矣面如生

李氏

龍溪陳漢鳳妻漢鳳盲一目一亦微眇李事之甚恭已而漢鳳又染瘋癲人不可近李朝夕湯洗不

懈漢鳳竟死小祥後托言歸寧別諸宗人入房自經而逝年方十九

郭氏

名貞姐漳浦許惟長妻貞姐手患痼疾許氏父母欲悔之惟長曰誰復娶者入門事舅姑孝謹未數

月惟長卒父母狗俗火葬郭俟火烈遂投火死鄉人義之共爲之墓

陳氏

名妙姐漳浦張品妻嫁逾年夫死舅姑憐其少寡欲令再適陳以死自誓一日偶拾夫金圈悲愴不

自勝遂飲毒死

黃氏

名楣漳浦鄭承惠妻夫亡哀號顙天誓以死從越七日哭奠如禮家人不疑潛自縊死

王氏

漳浦人知縣王謚女性慧知書年十七適程嗣哀踰年嗣哀死王號哭頓絕復甦及夫葬自投壙中

家人扶掖以歸一日得間梳洗登樓自經死視其殮具皆預自製之

陳氏

漳浦人適鎮海康起鳴甫一月而夫死既卒哭遂入寢室自經以殉

許氏

漳浦沈同訓妻嫁三月以烈殉死三日尸出汗如雨聞者異之時年方十九嘉靖中旌其門

陳氏

名清藻漳浦施君蓋妻君蓋疾陳禱請以身代及歿盡出衣飾以殮之日夜號慟口不粒食一日祭

畢潛入卧內置鞵床前家人以爲寢也逾時視之則已自縊矣

徐氏

漳浦陳類妻類死徐年二十誓不再適從容自盡鄉人憫之與夫同穴而葬仍碑其墓

陳氏

漳浦詹澣妻年十八歸澣二年而澣病歿陳盡鬻嫁衣以資棺殮畢自縊以殉之

黃氏

漳浦蕭誓妻夫死黃年二十六舅姑令其改適已受聘矣黃懇於姑曰亟返聘死不入其門也姑怒

詈之夜負週歲女自殺於江

郭氏

漳浦林作惠妻年二十八夫亡誓以死殉家人謹防之及葬白姑曰請視墳許之拜哭盡哀即投墳

前深潭死

程氏

漳浦陳纘妻纘客死高郵程年二十八訃至號慟幾絕成服拜舅姑畢以其舅托姆氏曰死有日且

就寢視之則死矣
有司上其事旌門

陳氏

漳浦人年十九適陸瓊未幾而瓊卒舅以室隘移柩山陬陳請置卧內不聽明日往視柩大慟曰我

在而使夫暴荒
野乎歸自經死

許佳娘

漳浦鄒大澤妻年二十
五夫亡逾月自縊以殉

吳尾姐

漳浦人鎮海諸生黃龍妻龍卒抱二歲孤付其姑慟哭絕食手擗胸五孔皆出血而死

方氏

漳浦主事林纘振妻纘振卒於京方哀慟絕粒以頭觸柩比抵家曰夫柩還吾可以死矣引簪自刺

洞胸流血服除哭奠柩
前竟嘔血死年二十六

莊氏

鎮海衛千戶林華妻華卒莊年二十八
僅一女二歲付伯氏撫養夜自經死

蔡氏

鎮海衛郭道膏妻年二十夫亡
哭臨三日自縊殉之事聞旌表

魏氏

鎮海衛鄭洪顯妻夫遭疾
將屬續潛縊於樓而死

黃阿姐

鎮海衛朱賢良妻嫁一年夫亡母諷再醮黃知
母不諒已也密製殮具一日晨起梳洗更着新

衣閉卧
房縊死

蔡氏

海澄蔡明揚女許聘郭顯仰顯仰卒女年十八欲
縊以殉家人防之嚴不得死父母潛受洪家聘女

密縊寢室爲叔母救甦父母始還洪聘閱二月冒雨
奔喪撫棺慟哭設榻柩旁坐卧不離時酷暑柩中液
出女以舌吮之卒哭日家長爲立嗣斷指矢志婦姑
相依不復歸寧親屬莫見其面如是者十年比夫葬

訖哀慟絕粒噶夫所親養姑撫
兒從容而逝事聞建坊旌表

林氏

鎮海衛陳維妻戶部侍郎林文煥孫女也年十八
歸陳三載夫亡無子林懷繩於腰佯托登樓自縊

而

林氏

鎮海衛諸生陳美章妻美章病篤林割股爲
羹以食之竟弗起林號慟躄踊有頃而絕

陳氏

鎮海衛鄭嘉猷妻夫病篤永訣誓與同死
及卒當夜就縊以救免竟絕粒八日卒

陳娥姐

長泰王天保妻年十五適天保力貧操作以奉
舅姑逾年天保暴亡陳抱屍號慟自咬其舌既

絕復甦尋
自縊死

張氏湯氏

詔安人張氏孫信妻湯氏孫侖妻信侖兄弟
也俱業儒信死張欲從之爲父母所持未得

問云何价以哭兄亦死湯語張曰吾二人從夫九原矣張然之湯屢縊家人覺而解一日二婦從俗拜懺畢人曰今欲嫁乎曰然嫁必同室人莫測其意張有女先以囑隣人遂同浴洗結衣自斷其帶各懷夫遺書一所照鏡一共懸一楹而死萬歷中旌表

吳英姐

詔安人夫陳養望死未卒哭自經柩側邑令吳挂表之

林月娘

詔安人年十八適許傍未逾年而傍卒林朝夕悲號勺水不入口哀毀骨立三閱月而死

鍾尾娘

詔安庠生胡士麒妻舅姑先喪事祖姑以孝聞麒家貧教讀於外病革鍾往視之竟死賃舟載

屍以歸蓋棺畢即

潛入卧內自縊

徐氏

龍溪人許配康光顯光顯死徐年十五執聘釵奔喪入門抱夫魂帛哭奠如禮坐卧柩側三年將殯

密治殉衣一日自
縊死萬厯間旌表

黃二姐

龍溪諸生黃元陽女許配舉人林煉之子夔年
各幼交乳互育後元陽與煉俱卒夔嫌其貧背

盟別娶二姐義不他適兄欲訟之官二姐泣曰訟吾
夫是訟吾也夔聞感愧以金二鑑懇賠別嫁二姐曰
吾志必死何以賠爲繼而求婚者踵至母兄婉諭改
聘二姐撫父柩哭曰幼曾見乳於林母長曾拜見於
夫翁不幸見棄何顏別
適遂自縊於父柩之旁

張氏

鎮海衛千戶張明女也衛指揮王瑤有二子長聘
桂氏富室也次聘張未幾長子死反以次子改續

桂氏張年已十九矣明仇瑤欲與死鬪女私謂其母
曰貧富人之常情我家貧乏何往不見棄勸父勿以
女故重自傷
遂自經而死

黃祖姐

長泰農家女許配劉志鉉志鉉與兄叶昌俱業儒叶昌遊泮冠軍志鉉弗售鬱鬱不得志一日

忽自經女聞之撫膺慟哭同室語其母曰未聞有處女爲未謀面之夫舉哀者母微言之女遂不哭至夜伺二親安寢投繯殞焉劉以婦道殮葬與志鉉同穴詔建坊旌表

鍾三姐

海澄人許配曾省研省研外讀歿於道鍾聞訃匍匐往夫家治喪哀毀骨立日不再食既終喪遂

自縊從之

謝三娘

海澄人許配楊應鈞萬歷時應鈞以呂宋之變身歿異域謝聞訃欲奔喪父母不可謝號慟移

時閉門自縊年十有六

吳開姐

海澄黃旭烟未婚妻年十八聞旭烟病革密禱身代訃至欲以死殉父止之曰女子死烈當在

夫家遂吞聲收淚促弟往白夫家以素帷白燈導之去晨夕坐卧喪側姑密防之卒哭後乘間就縊而逝

事聞建坊旌表

江勤姐

海澄人許配龍溪郭遜遜死江持服哀慟累日不食所親勸解之不得竟投繯而逝

王品姐

詔安陳誥妻誥病家又貧王減殮積米為市藥資既而誥死遂自經家人救之踰日得甦卒哭

之夕竟自盡死年二十有一

蔡氏

詔安人夫陳姓渡海歿蔡哀痛不自勝為夫立後既卒哭遂投繯死先是萬厯初蔡有從姑名充亦

殉其夫傳蔡氏雙烈

蘇三娘

海澄人其夫周某某坐應戍三娘偕行至建州夫病歿抱幼子返夫家恐累不納因投外家日痛

其夫一夕自縊於蘇園樹下其夜
羣蟻擁土埋之次早已成墳矣

林氏

海澄馬鵬振妻鵬振客
死林聞訃即絕粒自經

黃吳姐

年十七適楊堪堪病三載奉侍湯
藥惟謹及死決意身殉登床就縊

湯氏

漳浦楊鍾弘妻夫死
卒哭後自縊以殉

以上貞烈

未經立傳者附後

蘇氏

顏克一妻杜氏
鍾萬邦妻林氏
鄭景度領鄉薦政妻子

曾氏

陳文滔妻

魏氏

顏士朝妻孫
櫟領鄉薦

黃氏

王虞德妻林氏

黃世承妻與媳
陳氏俱以節著

黃氏

蔡一清妻林氏

蔡一松妻

胡氏

陳珣妻

蘇氏

張仲予妻

張氏

諸生謝珊

妻
陳氏 楊應

辛妻

以上俱龍溪縣人

劉氏 蔡珙

妻

漳浦縣人

陳氏

黃曰勤妻

陳氏

林雨

陳氏

林裕

以上俱鎮海衛人

吳氏

鄭珂妻

高氏

鍾廷瑜妻

與媳俱以節著

陳氏

林瞻

蔡氏

陳大貴妻

趙氏

陳一韓妻

以上俱海澄縣人

黃氏

林輝祥妻子惟聰領鄉薦官司理

蔡氏

許應鴻妻

以上俱南靖縣人

人

蔡氏

葉文魁妻

鄭氏

林鼎輝妻

以上俱長泰縣人

蔡氏

林樸素妻

曾氏

朱明貴妻

吳氏

諸生陳士選妻

葉氏

吳同愛妻

羅氏

諸生

曾鑒妻子喻

朱氏

張珍偉妻孫士良進士

曾氏

林琦妻孫脩領鄉薦

以

上俱平和縣人

國朝

楊氏

漳浦進士蔡而煥妻幼聰慧善奕旋學琴初布指便入精勝及長工詩曉星算嘗與其夫夜分讀史

有所得輒見諸倡和倦則小步庭前窺星躔占風雨或紡車軋軋坐對雞鳴至惟也有曉起詩云徑留殘

夜月簾透落花風每一詩成而煥有愧色惜其詩散佚但存碎金不得見全璧矣

名媛

潘氏

龍溪謝復禎妻年二十禎亡潘慟哭欲殉時已有娠而姑先逝翁諭以守孤存祀彌月果生男遂矢

志事翁子鴻

奇登進士

李氏

龍溪劉必甲妻夫卒李年十九子夢梅纔週歲李艱苦備嘗課子成立

黃氏

龍溪鄭宗炳妻年二十而寡子二歲又遺腹生男黃善撫二子孝事翁姑年八十卒

蔡氏

龍溪儒士施日烜妻姑病刲股療之姑愈而夫旋亡蔡年十八積紡資延師訓子子福以歲貢授廣

文

鄭氏

龍溪林宗妻年二十二宗疾革謂之曰吾父老誰可托者若能俟吾父死而嫁乎鄭泣曰妾方娠生

女則死耳男也請終事翁已而生男如後約久之家益落或諷之曰而翁瘋疾子弱旦夕且饑死改適便

鄭手刀自刺其目目睛墜血濺諷者衣笑曰家計之艱有甚於此者乎或大驚而逸竟奉翁終身撫孤成

立

歐氏

龍溪吳英妻年二十而寡遺腹未及三月毀容自誓卒撫孤成立年七十八而終

陳氏

龍溪太學生柯上達妻蚤寡矢志撫孤終身不二

林氏

龍溪諸生鄭天標妻通孝經內則列女傳年二十六夫卒每讀夫遺書悲不自勝及舅歿姑亦病日

夜侍湯藥憂勞咯血輒咽下不令姑見年五十六卒

鄭氏

龍溪嚴欽紀妻年二十而寡苦節撫子事舅姑以孝聞

張氏

龍溪黃鏞妻年二十四而寡撫男元吉又蚤失婦康氏年二十三事節姑孝姑婦皆至耄期雙貞並

著

黃氏

龍溪邱厚妻厚以守備遠任山西姑林氏病篤刲股調藥復刲臂以進姑遂愈

黃氏

漳浦人適同里張姓年二十寡父母欲奪其志不止一女苦節五十餘年卒殯蕭寺卿人哀之

丘桂媛

漳浦人幼知書適程氏子年二十二而寡撫教二孤孟鑣崇俞補弟子員未幾相繼歿丘守節

六十餘年乃卒

黃氏

漳浦人年十六適諸生藍銘瑜銘瑜卒黃慟絕復甦已而嘆曰吾死夫嗣其殄矣乃為夫立後剪髮

自誓踰年孤死家釁頓生多方消弭復立孤課督不倦遂以節終

陳氏

平和人年十六歸漳浦柯光泰家貧陳以女紅佐養六載夫歿苦節撫兩男一女翁瘋疾在床夫兄

別居陳獨立承事數年不倦翁卒兩男相繼亡陳嘆曰予不蚤殉夫為二子也今何望乎欲自盡同居勸

解之卒鬱抑成疾死年四十二

江氏

海澄人歸於張夫卒遺一子會隣火延張屋江麾子出閉戶撫棺思與殉大雨俄作火滅子將娶婦

又死婦來奔誓同姑守嘗與江庭中坐織指枯榴樹問曰盍取而薪之江曰而夫手植若弗忍也婦投梭起倚樹哭姑亦哭越數日榴復花且實

紀氏

泉州人適漳浦陳勝康熙初勝以軍功加都督僉事隨師處州病卒紀年二十一遺孤綱甫三歲負

白自守凡四十餘年而卒夫弟尚有三子紀氏念尚販負作苦共營家計命綱與尚三子四分其產尚固辭竟中分之尚敬紀氏如母撫綱如子至老不衰

唐氏

南靖人都督陳舜穆之妻年十八適舜穆會舜穆將移駐河南欲挈唐以俱唐辭曰姑在誰薦甘旨

妾其留也許之舜穆至河南尋卒唐屢求死姑止之
曰爾死老身誰依殆非爾曩者留侍意也且孤幼盍
善撫之因不死既而孤長唐悉典
簪珥迎夫櫬歸守節四十餘年

劉氏

長泰人適林葵祿蚤世劉遂絕粒七日姑強起之
曰吾老矣若勿以呱呱累我乃勉食粥奉姑撫子

年六十
四卒

王氏

長泰人葉自本妻年二十五夫亡欲殉舅姑阻之
遭寇家毀王以女紅佐養數十年康熙四十三年

旌表

涂氏

長泰戴鉦妻年二十而寡撫子灋倅廣州迎
養數月泣辭其子歸事老姑年八十二卒

曾氏

平和游壯猷妻年二十二而寡無子欲以身殉
其舅慰之乃謀族人立幼孫為繼始終一節

張氏

平和人年十七歸儒士陳通甫一年而通甫死無出姑為子立嗣而歸張於其母家故貧氏以女

工自活且寄以膳姑聞姑病歸徒步走五十里衣不解帶者數十晝夜姑愈感其孝遂令合居撫嗣子終

其身

林氏

漳浦貢生李叶和妻年二十四而寡事翁姑以孝聞康熙甲寅寇至或諷之避林泣曰姑年九十病

且篤吾將安之死於賊弗惜也賊至一邨盡空詢林何以不去具以實對賊義而免之姑尋卒哀毀盡禮

卒年八十

許氏

漳浦諸生藍陳斌妻年二十九而寡家貧以女紅經營家計嚴課孤子事翁姑以孝聞

陳富娘

漳浦人幼失父與母操作自給許字同里賴成死富娘隨母往哭盡哀舅姑謀改適不從乃

請於舅姑立族子為夫後而身仍歸母家歲
凶忍饑以食其母母死哀毀卒年二十六

吳二姐

海澄吳錦女六歲許字鍾吳聲吳聲遊粵不歸
女年二十八矣姑聽改適女不從歸鍾養姑既

而吳聲沒於粵姑亦逝或諷之嫁答
曰若有他志何待今日遂以節終

朱氏

平和舉人李繼岐繼室年十九寡孝養舅姑撫前
子仕衡弱冠補弟子員又蚤卒婦張氏年二十四

生子四月撫孤
守節與姑同操

王氏

平和諸生賴天柱妻天柱死於賊生子未週氏
年二十誓志撫孤奉翁姑以孝稱閭里欽之

黃氏

平和林紫繼妻年二十三而寡孝養
翁姑撫遺腹孤成立數十年無改志

王氏

平和諸生李鳴緒妻年二十八而寡二孤在
襁忍饑哺子孝奉舅姑送往事居備嘗况瘁

葉氏

平和賴全妻二十二而寡子方晬屢以身殉繼姑救而甦之遂忍死守節力勤織紵以奉姑撫子為

任已

鄭氏

平和諸生李士俊妻夫死子宜煊甫二歲撫孤二十餘年宜煊入泮又卒婦戴氏亦孀居撫子人稱

雙節

盧氏

平和曾履雋妻履雋以征海寇陣亡盧年二十歲孤在抱家無立錐借居於族之黃田樓饘粥率多不給或諷之曰貧而撫孤不亦難乎答曰固也畏難而去之生不如死且家富而孀誰則不能終無異

志年九十有三

李氏

平和諸生黃明陽妻年十五于歸康熙乙卯海寇陷城明陽與子周俱死李以夫不可無後乃矢志

立終孤

陳氏

平和諸生李開垌妻開垌蚤死垂白在堂諸弟尚幼陳年二十二以長婦持家備歷艱苦迨諸叔成

立分居陳獨侍老姑立夫姪芳華為後課督有成間里欽之

葉氏

平和人嫁陳滿蚤卒撫一子時山賊劫掠至其室葉抱兒伏於戶下祝曰陳氏存亡在此兒矣以身

蔽之中六創不為動兒得全

韓氏

龍溪進士韓登壇孫女年十八嫁周助生一子未三載而助亡韓敬事舅姑撫幼子以至成立

曾氏

平和諸生陳國銓妻年二十寡遺孤二貞操自勵辛勤撫育以至長成

陳氏

平和農家女歸楊子美生四男夫死食貧守操始終不移

沈氏

南靖吳岐伯妻年二十而寡撫一孤孀居四十九載

葉氏

龍溪儒士施錡妻錡避海寇居汀之上杭未幾錡卒葉年二十遺孤甫週葉上奉舅姑下哺孤兒備

歷艱辛寇平扶櫬歸里課子誦讀年七十餘終康熙五十九年旌表

林氏

漳浦儒士陳富光妻富光以痛父憂鬱死氏年二十四水漿不入口者五日姑林氏勸慰乃忍死撫

孤成立年踰九旬一堂五代人以為節孝之報雍正二年旌表入節孝祠

郭氏

龍溪儒士徐啓發妻年二十夫死哀慟欲絕念有娠又夫兄弟俱歿堂有老姑奉姑撫子備極辛勤

姑歿殯殮盡禮子稍長即竭力卜兆營葬先人孀守四十載雍正二年旌表入節孝祠

黃氏

南靖諸生張福能妻年二十夫亡奉事舅姑撫子成立卒年六十二雍正二年旌表入節孝祠

鄭氏 龍溪徐子壯妻年十九于歸甫四月而寡絕粒欲殉念老姑在堂含哀奉事歷三十三載雍正三年

旌表入

節孝祠

林氏 龍溪陳準妻準歿林年二十五子甫三歲朝夕紡績以養姑與子歷節三十七年雍正三年 旌表

入節

孝祠

王氏 長泰人年十七適鄭時弘六月而寡守節不二翁被寇擄脫簪珥贖回扶舅姑避匿山谷流離中克

盡婦道守節至七十四歲雍

正三年 旌表入節孝祠

戴氏 海澄儒士林元仰妻年二十寡奉姑撫子若節五十餘載雍正三年 旌表入節孝祠

陸氏 海澄諸生林日曙妻年十九夫歿欲殉既念老姑在堂遺孤六月忍死守志後子脩少遊於庠守節



四十餘年雍正三年

旌表入節孝祠

楊氏

龍溪庠生李之榮妻年二十四寡奉舅姑課幼子守節三十六載雍正三年旌表入節孝祠

李氏

海澄人許聘蘇弘濟未嫁而夫亡李聞訃奔喪請於舅姑爲夫立嗣以夫姪廣艾爲後貞守二十八

年雍正三年

旌表入節孝祠

黃氏

長泰王文蘭妻年二十四而寡又值寇亂家貧拮据奉姑無缺及歿殯殮盡禮哀慕終身孀居五十

五載雍正三年

旌表入節孝祠

林氏

長泰張直齋妻年二十四寡子在抱舅姑未葬力營窀穸以婦代子家有祀田五十畝久鬻他姓林

銖積贖還壽七十六歲子萱登賢

書雍正三年旌表入節孝祠

林氏

南靖陳躋未婚妻躋歿林年十八即奔喪守節孝奉舅姑舅歿養姑三十載雍正三年旌表入節

孝祠

涂氏

詔安儒士陳文崑妻年二十方有娠夫死誓志撫孤奉舅姑克孝及歿拮据襄事苦節四十餘載雍正

正三年旌表入節孝祠

林氏

龍溪儒士陳天行妻年二十五守節事姑盡孝姑病刲股愈之孀居三十五年雍正四年旌表入

節孝祠

謝氏

龍溪諸生康椿妻年二十二守節奉舅姑撫幼子備歷艱苦年七十八卒孫孟侯成進士雍正四年

旌表入節孝祠

張氏

龍溪儒士林長裔妻年二十八而寡姑哭子喪明張朝夕以舌舐之三年姑復明人稱孝感守節四

十三載雍正四年

旌表入節孝祠

陳氏

龍溪郭守智妻年二十三夫卒舅姑老遺孤在襁陳忍死含哀苦守至九十一歲雍正四年旌表

入節孝祠

余氏

詔安儒士何廷宋妻年十九而寡事舅姑撫孤子婦守二十三年雍正五年旌表入節孝祠

林氏

海澄明經林承玉女幼能讀大家閨訓事父母以孝聞長適貢生陳國璵能佐其家海寇亂米價騰

貴隣姐饑欲死林推食活之鄉有鬻子女者脫簪珥贖之國璵死氏年二十七欲以身殉姑勸止遂矢志

撫孤子寅亮有聲庠序年七十一
卒雍正五年旌表入節孝祠

陳氏

龍溪諸生鄭元損妻年二十而寡爲夫存嗣孝養舅姑五十五歲完節以終雍正六年旌表入節

孝祠

葉氏

龍溪儒士林登瀛妻夫歿年二十四日不再食背負孤兒朝夕紡織姑病寢食待人氏護持至十餘

載翁逾九旬經營甘旨無缺孀居四
十三年雍正六年旌表入節孝祠

楊氏

龍溪諸生陳元勲妻年二十二寡誓志撫孤歷三十三載雍正六年旌表入節孝祠

趙氏

龍溪張仕朝妻年二十五夫死守節家貧不能封樹負土成墳時大疫姑病祝天以身代姑愈歷節

三十八年雍正六年

旌表入節孝祠

蔡氏

南靖儒士何爲心妻年二十寡無出撫妻子若己子事姑孝姑歿營葬并及三世卒年七十七雍正

六年 旌表
入節孝祠

趙氏 長泰儒士葉芝六妻二十四而寡家貧舅姑老孤
方四月矢志養舅姑鞠孤子舅姑歿竭力營葬雍

正六年 旌表
入節孝祠

蔡氏 長泰監生王以玉妻年二十四寡三子俱幼姑年
老蔡勤奉甘旨訓子底成立孀居二十六載雍正

六年 旌表
入節孝祠

吳氏 詔安沈家桂妻年二十二寡遺孫三歲夫兄又歿
吳撫子及姪為之婚娶歷節三十載雍正六年

旌表入
節孝祠

吳氏 龍溪林重光妻重光死吳年二十八事姑盡孝有
強族盜葬其夫祖墳吳繼子護塋斷指直於官年

四十九卒雍正七年

旌表入節孝祠

陳氏

龍溪儒士王士朋妻年二十四夫歿守節撫二幼孫俱至成立年四十四卒雍正七年旌表入節

孝祠

林氏

漳浦儒士周建妻年二十三而寡撫教孤兒有成孀居三十三載雍正八年旌表入節孝祠

王氏

龍溪人儒士吳煒妻家貧以女紅佐夫膏火夫庶出王處兩姑能曲爲承順夫歿年二十四矢志撫子至六十五歲卒後子維圻以明經任清豐令孫鍾甲戌進士任內邱令雍正九年旌表入節孝祠

蔡氏

龍溪諸生何光天未婚妻夫死奔喪守節爲夫立後數十年終始弗渝

程氏

漳浦陳光祖妻年二十七夫歿立夫姪爲嗣撫猶已出延師課夫諸幼弟俱迄有成

蔡氏

漳浦李公弼妻年十九于歸逾歲夫死氏痛不欲生絕粒數日勉從翁姑命忍死撫孤始終完節

林氏

漳浦李友倫妻年二十二夫死慟絕復甦投繯者三皆以救解復絕粒七日不死翁姑力諭其撫孤

乃勉從孝養無缺
孤亦克底成立

盧氏

漳浦張欵光妻嫁時家產蕩廢鬻服飾爲翁償債年二十六寡孤方週歲操節不二撫子成立

林氏

漳浦陳春光妻年二十四寡僅一女氏爲夫立後未幾嗣子瞽或諷使改適氏曰婦人從一而終吾

寧死不失節也
卒年七十有八

謝氏

龍溪陳綬添妻年二十二夫死鞠遺腹子歷節五十四年雍正十一年旌表入節孝祠

張氏

龍溪黃善德妻年二十四夫卒守節六十四年雍正十一年旌表入節孝祠

陳氏

龍溪庠生楊天溥妻年二十二而寡歷節三十一年雍正十一年旌表入節孝祠

潘氏

龍溪儒士郭振參妻年二十七夫卒勵志守節雍正十二年旌表入節孝祠現年八十三歲

曾氏

龍溪儒士汪元俊妻年二十二夫卒歷節四十二年雍正十二年旌表入節孝祠以上

節孝

藍氏

平和楊平妻順治戊子賊攻東寨平出走藍與夫訣曰苟不免當畢命一刃毋以予爲累賊平夫歸

婦果死一刃植胸倚

壁不仆時年十八

李氏

龍溪人順治初與夫避兵相失爲兵所獲載之馬上過南河投橋下死

郭氏

龍溪人順治時強寇夜劫郭與夫黃義俱被擄至中途謂賊曰妾在夫安能遠去不如歸之使以金

贖賊釋之郭度夫去遠遂不行賊驅之郭曰逆賊向給汝耳我豈從汝耶遂被殺

廖氏

漳浦陳友妻事姑以孝聞順治時寇亂謂夫曰君當敬慎扶持老母勿以妾爲念倘有不測惟死而

已兵至湖西恐見掠遂投水死三日顏色如生

康氏

漳浦人適林就順治丙申兵至佛潭橋康慮不測與妯娌訣夜登樓縊死

顏氏

海澄林日暄妻善事舅姑盡婦道順治十七年六月流寇却鄉村氏極負二歲男被掠驅至涵頭橋

繫於橋欄顏氏潛斷其繩奮躍墜海死羣盜駭嘆而去

程氏

漳浦林乾妻有殊色康熙壬寅山寇劉暢哨聚馬婆山程被擄逼之不從令他婦誘之曰我輩至此

即欲全節誰能相信程曰吾行吾志何求人信寧肯效汝輩無耻乎賊怒刃之罵不絕口死

陳嬰姐

漳浦商兆琛妻爲賊所擄意欲汚之陳不屈遇害

林氏

龍溪人年十八適朱傳傳歿於臺灣訃至林時歸寧欲赴水死母救免之明日奔回哭奠妯娌又防

之密仍佯爲舉止如常乘間投繯死

翁氏

龍溪魏士睿妻年二十六夫死日夜悲哭閱二十八日自經

許氏

龍溪鄒延年妻夫卒悲泣不勝遂自剄

李氏

龍溪鄭雲妻雲死至大祥日絕食七日卒

郭氏

龍溪舉人郭鴻漸女適柯上廸上廸死自縊以從

劉氏

龍溪儒家女適歐諒諒歿劉負土成墳既畢即自經塚下

鄭氏

漳浦游晏妻晏貧以女工佐食生子週歲晏歿鄭以茉莉花根煎酒飲之遂死

朱氏

漳浦林甫妻甫死一子又殤朱欲殉姑防之旬餘乘間整衣縊

劉馮姐

漳浦人年十五適張敏隣人方悌艷馮色謂敏牧豎而慙可私也誘之百端不爲動伺其獨居

逼之堅拒得脫卒自縊

洪氏

漳浦薛燕妻燕死洪自縊以從

謝二娘

海澄李樂只妻常夜織佐夫讀夫病禱以身代不起一日歸與父母訣曰願從李生地下父母

告其舅姑防之

伺稍懈遂自經

蘇氏

海澄人歸李思期年而思病死遺命家貧無子當再適蘇陰戒匠人之治棺者踰其制將殮引刀自

刺姑奪之復自縊又以救免其母
私諷之蘇曰是狗彘我也卒縊死

吳二娘

海澄謝楚材妻康熙癸卯遷界夫婦相攜遇盜為所執盜給楚材為主實利吳色也吳拔賊刀

刎頸血沾衣未死刺喉卒
羣賊駭愕楚材得逸去

林氏

名姜海澄陳宜之妻夫病篤與訣林誓曰俟卒哭相從地下耳及歿哀毀至期果投繯而逝

鄭氏

名碧娘海澄人年十六適曾合未期年而合死鄭取環瑱鬘髮及綺羅履華之物悉投之火曰無為

吾身事矣至
小祥自縊死

陳氏

海澄人夫為狼山守備病革陳許以身殉及歿殮含畢遂從容自縊

沈氏

詔安人適許良惇甫八月而良惇死沈飲藥家人救之不死自縊又以救甦乃不食七日卒

鄭氏

海澄人年十七適曾美數月美死其明年十月十日去于歸時星一周矣遂炙雞酌酒哭盡哀夜定閉戶縊死

謝氏

南靖莊介夫妻介夫為蛇啗而斃既殮謝以額觸棺流血為家人所持因防之謝乃佯為無死志至

十餘日防者懈遂夜自經死

蔣氏

南靖邱萬妻夫死卒哭日自縊以從

莊氏

南靖鄭澤妻年十九澤卒有娠矢志守孤既而生女日夜慟哭絕粒死

陳睿娘

長泰人適邵旦寔甚勤紡織以佐食旦羸病三載睿娘額天請代旦死水漿不入口姑知其意

謹防之越七日乘間投井死

嚴氏

名姜長泰人失夫名年十一忽吟曰蒲葦紐如絲磐石難轉移父怪而問故答曰夢中得之耳長歸

王未幾夫得惡疾性暴甚嚴曲意順之不為忤夫卒哭七日縊死無子年二十三

張粹娘海澄人適長泰王仁父貪豪帥金謀再奪而嫁之粹娘誓不從然知不可已乃夜對夫涕泣夫

出閉戶自經死

張氏

平和陳夢龍妻夢龍病革張侍藥不効醫曰盡今夕矣張泣將自刎時望夕碧空如洗忽黑風從室

中起屋瓦皆飛咫尺莫辨家人駭匿牀下須臾風定月復明視之則張血淋漓死矣是夕夢龍亦卒七日合葬於孔道之旁隣家并盡變為血三日居人禱於墓乃復故

林氏

平和人適曾檜檜瀕死呼之曰我死汝他適不應檜死自縊家人救甦絕粒十七日而亡

張氏

平和人夫黃賓蚤卒撫其遺孤乙卯寇變張曰吾婦人義不可辱遂懷石投井中死

吳招娘

詔安人歸林樞樞卒年二十二無子欲殉飲毒

顏更事人耳
夜懸楹死

鄭氏

詔安諸生胡欣然妻欣然卒鄭將死之家人勸以

而舅姑有叔在吾志決矣
吞金不死乃投繯而卒

黃氏

詔安人適沈種種死三
日投繯以殉年十八

楊氏

名玉龍溪農家女年十六許字吳穆穆病篤女請

以殤禮葬女曰玉在有婦矣乃用成人禮女斬衰就
位哭三日將題墓碣女曰請題吳某同婦楊玉娘之
墓雖然玉未婚當歸死於楊不以累翁也翁駭慰以
立嗣女曰立嗣則立嗣耳玉將死不敢與聞父母勸

之不可
投繯死

陳兌娘

龍溪人幼許字姚錦未嫁也錦遊學粵東道卒訃至兌娘決以死從父母防之稍疎遂自縊

吳氏

漳浦人年十六值民變四出焚掠女與父伏林莽間為兵所獲父遇害繫女歸抵縣治義不受辱以

頭觸柱不
死竟自縊

湯氏

漳浦人許字林攀攀卒女哭往奔喪親視含殮葬畢投繯以殉

黃氏

漳浦人許字於楊未嫁夫死黃聞訃奔喪將葬黃欲死墓側家人強舁之歸卒於服闋日自縊

林氏

名萊娘漳浦吳鶴未婚妻鶴死林欲奔喪父母難之乘間雉經以救免會有議婚者萊娘取吳納幣

製衣衣之夜投井死衣帶有字曰
屍歸吳父母乃聞於夫家合葬焉

李琬姑

平和人許字龍溪趙氏子未婚夫死女毀粧衣素明年父將為改聘琬姑夜令幼弟大書節義

兩字明

晨縊死

楊氏

平和人許字朱容許灣兩載不歸女年已及笄矣有人從許灣來得朱死信女自經

賴媯娘

平和張士習妻夫死矢志殉夫以繼嗣未定遲之值二七祭期立後議定乃持小刀詣靈前坐

而自刎刀落兀然不動

方氏

名理娘龍溪人許字張則謙則謙亡理娘徒步奔喪欲自盡舅姑防之嚴不得間朝夕涕泣成疾至

除服則形毀骨立矣延醫至麾之曰患不得

死耳醫何為者水漿不入口者十餘日卒

林忍姐

同安人夫隸軍籍從汎於海澄夫死哭奠如儀既葬告其主將曰願從夫地下但求合葬則荷

殊恩主者曰若能如是乎許之果自縊死

張氏

平和李思賢妻夫卒張絕粒死

王氏

名準娘龍溪人御史王麟瑞女庠生吳世德妻年二十歸吳事舅姑孝夫病禱天請代及死慟絕復

甦一日與父訣呼十歲孤撫之泣曰吾不能見汝之立也遂拜舅姑及亡夫入室自經死

陳助娘

漳浦人許配黃陣陣死計至奔喪哀慟不勝尋歸母家絕粒七日誓必殉父母力勸且防護之

夫既葬乃曰今日事可了矣父母不及覺遂閉戶經死後與夫合葬焉

程氏

漳浦許榜妻夫歿吞金環不死聞夫婢懷孕勉起治喪朔望向夫靈上食及婢生男氏喜且泣曰吾

可以報夫於地下矣屆小祥先期作衣履閉戶自經死

趙琉娘

龍溪人許字吳奇奇死父母將別議婚琉娘聞知不忍再適忽一日蚤起易服焚香祝天以答

親恩遂脫簪投井

死年二十有二

許氏

龍溪貢生鄭欽第妻年十九夫卒至七日自縊以殉

以上貞烈

延平府

漢

李誕少女

名寄將樂人邵武庸嶺北隰中有大蛇為人患里言神啖童女乃可禳前後鬻送凡九女

寄受令長直應之自買好劍作數石米飯用蜜澆之置諸穴中蛇夜出食餌目光如鏡寄放犬咋蛇從後以劍砍之蛇踊出至庭而死東越王聞而壯之聘以為后

宋

羅令人

左司郎中張維妻事姑羅夫人孝謹維故貧初仕將遣其女弟而無資令人悉出囊中裝奉之

事維二兄旦暮率諸幼穉以次問起居無闕子姪就學歸沐具湯餅會諸娣姒男女語次從容問所學業勞勉諸姪以勵其子油油如也姑嘗苦末疾令人靜夜露香致禱願捐已壽以延姑年疾頓平後三年令人卒姑哭之慟至老念之不能忘與人言稱其孝至泣下性儉約謙下好禮法嫁時篋中有黥色絺衣忌日輒被以奉祭稱慰如儀所服禮衣橫帔如民間法或告以張公且通朝籍盍改用命服令人曰此非拜恩何敢服也

卒以禮終

以上名媛

五代

許氏

名世英許字廖汶未歸汶卒女誓不改嫁設夫神主事之終身雖至戚不得一見有司旌其閭曰閭

貞

元

卓氏

尤溪人施九泰妻夫卒撫遺孤以節終至正中旌表

明

顏氏

名鏗順昌人蕭貢才妻年二十七貢才卒一子清翁在襁褓顏誓不他適元末亂挾孤而逃

陳義姑

沙縣人陳穗女也年十八穗夫婦相繼卒遺二弟長天生七歲次天載五歲親族皆幸其死以

利其有遂矢志不嫁撫弟每居常置筇帚數十把酒食時具忽一寒夜有族人謀乘黑叩戶姑燃帚隱照

皆其族兄弟也亟啓戶具酒食歎之叩者知有備遂無害意及二弟成立婚娶畢年四十五乃嫁終無子二弟迎歸母事之及歿廟祀之曰義姑

俞氏

南平人贈淑人贈右副都御史劉通妻右副都御史璋母也歸劉以孝謹聞年二十九通卒勤紡績

以資其家教育二孤脫簪珥遣之入學郡守雷誠欲上其行辭曰守節婦之恒豈願有聞卒後八年而璋

士

第進

駱氏

南平生員徐得一妻夫喪艱辛撫孤卒底成立壽七十三

連氏

尤溪田保三妻名十四娘年十八歸保三未一載夫卒遺孕四月夫族兄利其家業勒令別嫁氏垂

淚誓守卒成節婦年八十五卒

何氏

南平人劉雄妻名妙玉年十八歸雄甫三月雄卒於京訃聞以守節自誓閉門事女紅養姑以節終

陳氏

胡貴妻沙縣人年十六歸胡夫卒生子宗旺甫一歲衆喙交撼陳曰更夫棄子豈得為人宗旺長娶

姜氏正統間避寇府城卒子斯祐三歲姜年二十五亦勵志撫孤寇平攜斯祐歸葺舊業及長娶吳又卒

遺二孤長敏瓚七歲次敏璋三歲吳年二十五督瓚力學致顯榮璋亦世其家人謂胡氏姑婦三世一心

葉氏

南平黃勝寶妻早寡完節年七十一卒兵部尚書孫原貞節鎮八閩輓以詩有想見地下夫無媿生

前好之句

梁氏

延平衛指揮令事張瑄妻瑄病篤梁方娠三月仰天誓曰縱非男嗣此生決不作他人婦瑄歿梁年

二十七卒

如其言

黃氏

將樂蔣朝輔妻四載而寡子二歲守志事姑姑歿竭力襄事居無完堵常對月而績張蓋而炊人憐

其苦節

李氏

將樂唐烜妻年十九歸烜甫六月烜故無嗣氏足不踰閭者四十年六十卒

廖氏

白鶯妻年十九夫歿遺二孤姑病解簪珥市藥祈禱衣不解帶姑歿哀毀幾失明年七十終

趙氏

順昌楊紹英妻年二十七而寡子甫二歲舅姑俱老夫弟尚幼撫遺孤誓不再適後孤卒矢志不衰

及夫弟長生子徵趙取鞠之以節終

陳氏

沙縣謝鶚妻年十七適鶚甫六月而鶚卒有娠憑屍哭曰所不即從君者以堂上之姑腹中之孕耳

及替生子應元喜曰不死矣屏脂澤甘麤糲孝奉其姑教子成立後應元領嘉靖鄉薦

吳氏

南平諸生陳瑞妻年十九夫亡苦節五十年以終

賴氏

永安張懋妻名啓娘夫喪子亡姑欲為懋立後而別嫁之啓娘竟終其節嘉靖中旌表

余玉娘

沙縣馮經妻年十七經死余守節終身

魏氏

南平張倪瑤妻年十九適張有二孤瑤卒二孤相繼歿卒不奪志

薛氏

名玉瑄南平楊文厚妻十七而寡父母欲易其志斷右髻自明竟以節終

范氏

名瓊使尤溪田稀八妻年十八適田明年夫卒姑耄氏孝姑撫子至老不變年七十五卒

李壽娘

永安諸生陳劍妻劍卒無嗣善事祖姑與同寢處年八十有五卒

陳氏

尤溪舉人蔡文盛妻年二十四夫卒氏孀守撫遺孤綸綸應歲貢卒於外妻楊氏遺孤夢暘甫週月撫

之萬歷庚子夢暘
舉於鄉人稱雙節

陳氏婢沙縣陳仕進家侍女也仕進三歲失怙恃皆此婢撫之鄧茂七亂人竄山谷婢負仕進攜其家

簿券以逃竟
存陳氏之門

魏氏沙縣謝應昇妻夫卒年二十三遺腹六月哀毀欲死姑曰如遺腹何氏泣喪明歲餘乃復撫遺孤以

終艱辛備嘗嘉靖末流賊逼城
屢欲自縊誓不見辱內外稱焉

林氏南平王鼎妻年十八適王生一女夫卒舅姑歿林撫夫幼弟王南山如子遣讀書俾克成立以節終

嚴氏永安人年二十歸聶乾嶽生子昇三歲而乾嶽夫家貧績絰供養老姑撫教孤子族孽謀以祖塋地

售他姓氏力抗之得不果自二十九歲孀居及見其孫侃外辟雍儼登賢書壽九十六而歿

莊氏

永安人名昭賴五十妻年二十七生子壁夫亡姑老無齒甘脆以養壁又死氏鞠孫成立年七十九

卒

林氏

南平歐澗妻蚤寡撫孤梁仕宿州學正

蔡氏

名貞將樂周孟昇妻年十八昇卒氏教子遂業儒有聲知縣陳大經欲旌之蔡聞命遂止之曰常事

也年八

十三卒

黃氏

南平諸生楊繼周妻繼周卒遺孤復殤氏勸幾絕姑曰天奪吾子復奪吾孫吾與汝相倚為命汝死

如老嫗何黃悟乃止茹

苦事姑年八十二卒

賴氏

名線娘永安王守厚妻適王三載夫卒子週歲其妯吳潤娘有孤名之損僅八齡二人共奉翁姑撫

二子有成年
俱八十餘

賴氏

永安黃中立未婚妻聞黃訃往弔
遂終制不還為立後年踰九旬

孟氏

順昌馮綽妻綽死孟年二十
矢志不渝嘉靖間建坊旌表

蕭氏

名榮將樂蔡珙妻方娠而珙商於外生子潮八年
珙尚未歸後珙卒於臨清逆旅蕭曰妻不久夫子

不識父悲哉守志
教子以終天年

黃氏

名琳將樂庠生楊顯妻顯卒黃年二十四矢志靡
他家貧紡織以養舅姑有二孤又卒各遺一孫鞠

育以底
於成

游氏

南平吳節妻年十八適吳生二子年二十三而夫
亡足不踰閭事翁姑以孝撫二孤以慈勵行苦節

人無
問言

楊氏

將樂揭大德妻年十六適大德姑老且
瞽氏奉事惟謹大德卒守節撫孤以終

陳氏

永安賴元爵妻年十九夫
卒撫遺腹子年六十二終

葉氏

尤溪施士和妾年少孀居嫡余氏憐其無子諷之
更嫁氏慟哭自誓後孫媳林氏者庠生大震妻年

二十五夫震卒撫遺腹子二藝
窮餓相依終始如一稱雙節焉

章氏

尤溪國子生趙廣妾年二十五而寡事
正室如母撫孤子成立年八十二終

李氏

名秋菊南平何繼文妻年
十六夫卒無嗣以節終

張氏

沙縣練天與妻夫死同
妾蕭氏守節壽八十終

黃氏

名英娘永安諸生張文謨妻早寡撫孤晉錫娶媳王肅英錫歿王能繼姑志有司獎曰聯節

張氏

南平諸生王武妻武艱於嗣張為夫置妾夫死妾遺一孤氏鞠之不啻已出

魏氏

沙縣鄧奎郎妻早喪夫無子以猶子文輝為子事舅姑無怠容年八十三卒

張氏

沙縣林雲器妻早喪夫撫二幼子食貧苦節孝養舅姑里人賢之

洪氏

沙縣庠生羅明妻年二十二明卒洪清苦自勵孝養舅姑撫成二子年七十以節終

趙琦使

尤溪人會昌令昌麟女年十四母黃氏病劇割股和藥以進母疾遂瘳

賴氏

南平諸生練錦標妻有婦德夫素輕氏氏不為戚年十八夫卒無子以節聞壽至九十而終

范氏

永安葉天賜妻年二十天賜卒無子守節以終

莊氏

永安賴伯玉妻早寡紡織奉姑六十年

詹氏

尤溪林維曜妻夫死以頭觸棺欲殉之既而念曰藐孤在遽從地下何益忍死撫孤後以壽終

曾氏

名淑真沙縣陳雲鵬妻雲鵬父撫官田州鵬往省覲歿於客舍時曾年二十五遺孤世芳甫一歲誓

不他適舅棄官歸業益落破產以養督世芳成立嘉靖初郡丞陸深表其門

廖氏

順昌官岳妻岳卒氏年二十八勵志守節末姑撫子白首以歿

任氏

順昌廖詩妻年二十六詩卒遺腹生子度事姑教子婦道母儀俱盡

廖氏

將樂人庠生林人鳳妻鳳死廖年二十二家窶甚舅姑七旬二孤松梅俱在襁抱廖勤紡織給衣食

女孫適吳早寡引與同守以壽終

林氏

永安諸生陳繼元繼妻年二十八夫亡未有所出以夫兄子尚文為嗣貞守至九十餘卒

陳氏

沙縣庠生黃作賓妻貢生應賢之母守節存孤御史請立坊旌節

白氏

將樂徐以昭妻年十八昭卒孤學益甫二歲氏矢志靡他善事孀姑後益官鴻臚寺序班建坊旌表

徐氏

將樂蕭貢妻年十六適貢生子祖彭甫五月貢卒哀慟絕粒累自縊家人覺救得不死斷髮矢志事

姑育子以終

高氏

永安庠生嚴九巖妻夫以郡試遭溺訃聞慟絕復甦遂長齋奉佛事翁姑撫猶子持門戶始終不變

饒氏

將樂楊汝采妻夫艱於嗣為置側室夫卒遺孤日燧甫三歲側室子甫週氏紡織以養舅姑教子日

燧遊庠

李氏

南平庠生蕭元春妻春死
李年十九撫孤完節以終

劉氏

永安人楊九經妻早寡
育子有成人稱完節

李氏

南平謝元學妻年十八生一子夫死貧不能殮姑
欲火葬之李泣求傭織以營窀穸又諷其再醮李

曰所不以死殉夫者為
孤也矢志靡他以節終

潘氏

將樂余福宏妻宏死撫孤
子積成事翁姑以節終

黃氏

將樂蕭來鳳媳也鳳外授生徒內令女媳聽講至
好女不出閨門句姑嫂自相發明後鳳次女蕭氏

與媳黃氏同守
貞節撫孤有成

陳氏

將樂人夫光德早歿
氏養姑撫子以終

蕭氏

將樂熊應裕妻以節終

許氏

永安李文銅妻年二十四而銅卒事孀姑以孝聞撫二姪如已出邑人稱之

林氏

將樂吳一文妻文卒子幼有勸其改適者氏不從甘貧守節詔旌其門

鄭氏

永安陳選士妻歸未二載生子甫三朝夫卒哀毀欲絕或解之曰死易立孤難汝為其易孤失所恃

矣氏忍死撫孤成立藩司聞而獎之并題以詞曰著之於易從一而終稽之於禮爰有三從守禮一意今古所同維彼存孤美哉母功以為女紀俾仰休風

張氏

將樂諸生熊可久妻早寡剪髮明志緝繡課子以終天年

朱氏

沙縣胡天詔妻夫死以節終子廷賓食餼於庠

詹氏

尤溪吳大興妻早年守節教子有成

施氏

尤溪廩生王溥妻年二十三夫死守節撫子年六十九終

蔡氏

沙縣何應科妻年十六夫死遺腹僅四月氏哀慟幾絕姑勸之乃強起足不踰閭隣火延及於庭不

出避望天拜禱俄而風反火滅年八十六卒

吳氏

沙縣林大節妻夫死食苦茹淡足不踰閭姑病氏祈禱願以身代晨夕教子課督有方里人有婦兮

兼子母兮兼父之頌

江氏

南平汪綸妻年二十二而寡子烈四歲母憐其貧勸他適不從守節撫孤人罕見其面

吳氏

南平鄒國思妻孝廉儀周庠生儀謨之母夫亡周謨俱幼氏紡織事姑篝燈教子巡按上其事於朝

旌表
建坊

張氏

永安羅克忠妻年二十忠卒子甫
遇孝事舅姑撫訓孤子年七十終

葉氏

名保卿南平俞大訓妻年二十一夫
死守節奉姑子毓才補郡弟子員

張氏

南平庠生俞大本妻本卒子士旂未週氏斷
髮矢志以事姑後士旂遊於庠旌表建坊

蕭門三節

謝氏蕭繼寵妻馮氏蕭應鳳妻謝氏蕭良賓
妻俱將樂元坪人青年守節撫孤底於有成

黃氏

南平萬應海妻年十八夫亡
足不踰閭壽八十八以節終

黃氏

南平朱運熙妻適熙生子智臨九月而熙卒氏
年二十堅守苦節孝事庶姑後子智臨遊庠

朱氏

南平楊其芳妻年二十夫亡
子繼卒甘貧苦撫孫成立

陳氏

南平魏雲昂妻適鼎生子香世甫在襁褓鼎病革謂氏曰汝少孤幼守否自裁氏痛不欲生矢志勿

二夜勤紡織課子讀書人稱賢節

張氏

順昌何運泰妻舉人純母年十六適何夫卒子甫週氏守節事舅姑課督孤兒丁亥土寇陷城氏遂

首垢面賊亦義之而不敢犯

陳氏

順昌人年十六適范耿吾耿吾卒髮斷自誓撫妾子如己出後子朝璞朝璞並列邑庠

鄧氏

庠生韓輔妻孤兒守節家貧不能葬夫庚申寇至疑其夫棺中有物剖之乃真屍棄河中寇退鄧覓

而瘞焉哀毀卒

蕭氏

夏永慶妻夫卒生子風動甫二歲蕭盡以產業付其伯氏泰惟悉志撫子成立伯氏亦能以義恤姪

後風動得

列於庠

王氏

名女英永安人陳煥祖妻
夫歿矢志守貞二十餘年

劉氏

名立娘永安人張子志妻十八適張生子可崇甫
二歲夫歿守志不移辛勤紡織督子有成年八十

卒

董氏

將樂庠生何其仁妻年二十夫卒邑人謀
欲娶之氏以錐毀面誓死不從以節終

呂氏

貢生揭騰蛟妻夫歿氏年二十八撫孤國正補弟
子員復天孫皇謨以明經授詔安訓導卒年八十
以上節孝

宋

馬氏

順昌人范旺妻紹興初土軍陳旺等作亂殺其夫又殺其子馬聞奔視又欲脅汚之不從被節解

某氏

南平人小常村農家婦也叛卒楊勅寇亂過掠村野氏死不受汚遂遇害棄屍道旁屍所枕藉處其

跡宛然不滅覆以他土其跡愈明

廖氏

沙邑民妻性慧解歌舞紹定三年為賊所掠命之歌舞廖罵曰我恨不磔汝肉寧肯悅汝耶時賊方

猖獗欲窺州城廖有娠賊剗其腹觀男女以卜進退得女遂引去招捕使陳韓聞於朝詔贈懿節夫人鄉人立廟祀之

元

林氏

名愈娘沙縣劉國美妻至正末江西寇鄧克明攻破縣治愈娘失夫所在匿草間被掠至安濟橋謂

同行諸婦曰寧死不受辱復拊其懷中子曰我之
辰亦汝不辰也與其棄於道夫誰憐而鞠之不死猶
死也痛哭而投於河中通
判劉總以聞詔書旌表

明

張氏

名陂娘尤溪彭阿積妻洪武中夫溺死張年十九
誓不二適以育遺孤後舅姑欲奪其志許聘之日
投水

死

縻氏

延平衛戎籍仲華女名曹婢早失怙恃依父妹居
年十九許聘王文珍未嬪珍卒氏知珍將葬柩必

過其門乃登樓於天窓隙中目送其喪即自縊邑人
尚書劉璋挽以詩云玉顏未嫁痛夫亡潛上高樓目

送喪淚洒西風輕一
死芳名直與日爭光

陳氏

名月順昌張文宗妻正統初草寇亂繫月欲獻賊首過西渡月紿賊曰若欲獻我於帥而尚繫我我

告汝帥必獲譴賊釋之中流投水死

祐溪貞女

失姓名沙縣人正統間鄧茂七殘破縣治匿草間為二賊所獲貞女許過橋從一人以終

所事二賊信之攜至橋心貞女忽以兩手結賊投於淵與之俱溺弘治四年憲副楊澤郡守蘇章立祠祀之

張貴娘

將樂人正統戊辰沙寇入境貴娘年十八賊執之將昇去張紿曰請斂首飾以隨潛入屋後投

水死

鄧氏

永安吳天性妻被賊執至林家井隅度不能潔紿賊釋手投井而死

陳氏

永安人流賊入境時女甫笄賊脅以刃不從怒詈爪賊面遂遇害

徐氏

名冬使南平黃瓊妻少適瓊瓊蕩子也鬻之富商徐涕泣欲死富商驚異瓊又誘惡少娶之徐度不

能脫奔與母訣歸自縊死郡守裴椿為殮葬

余氏

名鼎娘將樂溫敬妻適敬五年敬溺死余痛屍踰月弗獲出所自衣衣及夫遺服焚之而上所有於姑又踰月屍未獲乃沐浴而縊於夫寢時年二十二

嚴氏

嚴惟中女名寶使嘉靖間寇亂闔家被擄寶使懼辱輒自縊惟中救活之賊拷惟中索贖金將殺焉

寶使給賊全父抵銘溪渡橋上乘賊午飯投橋下死賊驚嘆放其父收屍為詞以弔之

陳月娘

嘉靖中流寇入境不受污以死

吳氏

順昌葉周安妻媳高氏嘉靖末俱被賊擄脅污不從至婁杉灘投水死

林氏

沙縣鄧琳祥妻年二十四嘉靖時廣兵亂林被擄賊欲污之拒不受大罵賊怒刃脅之罵不輟賊將

殺之引頸受戮賊截首剗去毀其屍而去

張氏

沙縣羅舉妻嘉靖庚申寇至同妾某氏及妾子皆為賊所掠賊見張美欲犯之不從擒至營賊帥見

大悅欲留之張厲聲曰速賜一死賊引刀向妾以懼張張曰請代妾留妾撫孩嬰賊曰吾殺孩嬰張曰請代孩嬰以存夫後賊曰牽出殺之張即先行無懼色賊猶豫不忍舍張罵不絕口賊割乳剖身棄其首河中

潘氏

將樂人年十六未字嘉靖庚申被寇掠欲污之力拒不屈寇刃之死松下

鄧氏 永安嚴師訓妻流賊至執欲污之罵不絕賊裂其口罵聲含糊頭斷乃止

林氏 永安郭茂賢妻嘉靖季為流賊所掠欲污之罵不絕口肢解死

黃氏 名怡姐南平林鳴鳳妻嘉靖壬戌為流賊所執至臨溪高橋奮身墜死七日收屍溪旁顏色如生時

年十七

黃氏 王恂妻嘉靖庚申寇亂與眾婦乘舟以避賊眾各匿景船中獨黃兀坐於外眾婦嗾曰何自露如此

賊不見乎黃曰政恐見賊而不得死耳已賊至聳身赴水死

陳氏 沙縣人永居孫女及笄流賊入境掠其家污及女女不從厲聲大罵賊肢解之

朱氏 沙縣陳師衡妻師衡疾革語後事不及朱朱喻其意指身誓曰此身屬君君死予將焉生請與君面

訣入縊死師

衡次日卒

張氏

父名理順昌人山寇突至被掠罵賊而死

陳氏

永安人黃貞勝妻夫死自縊巡道查約改觀音閣為氏祠為詩曰人間處處觀音閣天下寥寥節婦

祠除却金身祠木主不知公論是耶非

劉氏

永安羅正茂妻同夫弟正卿妻姜氏與眾男婦赴舟避賊賊追及各抱子投水而死

林祐女

永安人名尾姑同母被賊執鎖空室中拜母自縊死

無名氏女

歲暴漲女偕母緣木漂流由建溪達延溪升入援之悅其麗欲污之堅不從赴水死

陳氏

永安鄧林彩妻賊執之不受汚厲聲罵賊延頸受殺賊怒斫棄溪中

熊氏

將樂沙成文妻生二子夫卒矢志守節丙戌八月避兵懷幼子躍水死

羅氏

永安諸生林向翰妻山寇亂與夫及子被擒氏懼污乘間縊死

林氏

沙縣陸文諒妻家貧井臼相文諒學文諒盡疾奉湯藥不急疾革以父母托弟以幼子托母以二女

歸所許嫁家林曰不托婦哉諒曰貧勿留也林曰請面訣入卧內投繯死諒撫屍大慟次日亦卒

嚴氏

永安林安君妻被賊執堅不受污賊怒解其肢體

劉氏

永安羅立妻賊欲污之與賊抗被殺

嚴氏

永安劉麟生妻猝遇賊欲污之拒不受咬賊臂傷數刃死

蕭氏

將樂諸生揭瓊芳妻戊子郭賊破城氏賂免其夫隨自縊死

某氏

夫婦俱失姓名將樂人郭賊陷城同夫被執氏結

從汝既至

躍溪死

鄭桂女

永安陳漢杜妻年二十六丙戌二月同幼女夏

婦名鄭冬者黃尾四妻遇賊於鄭嶺

逼之行罵不絕口賊怒刻其孕死

黃氏

名貴女永安王珙妻賊欲辱之

陳氏

名菊香永安賴孫盛妻盛溺死氏年二十四遺孤

熊氏

名毓貞順昌朱廷階妻廷階死毓貞乞留聘

死

楊氏二女

永安貢川人一欽娘適諸生李舜元一韶娘適元弟舜明癸巳十月賊吳賽娘陷貢堡欽

娘語夫曰衛舅姑從間出遂自縊死韶娘攜二子登屋賊脅之下連斃其子韶娘拾其子屍擊賊賊以刃

劈其面而死

某氏

福州人失姓名寓尤溪善吟咏為郭賊所執自刎死

鄧氏

沙縣姜成起妻早寡撫孤山寇亂氏被執賊悅其色露刃誘逼氏不從遂遇害

吳氏

永安游景芳未婚妻丁亥城陷被執自縊死

黃喬如妻

失姓氏尤溪人時方喪亂為郭賊所逼罵不絕口遂遇害

林氏

有鵲女永安人適陳某戊子冬為賊所獲乘間自縊死臨殞顏色如生

鄧氏

沙縣羅聘吾妻庚寅遇
寇屬聲罵賊引頸受戮

練氏

沙縣鄧斯謹妻庚寅為
寇搜獲氏大罵受刃死

高氏

名足娘沙縣張從傳未婚妻從傳卒足娘涕泣廢
食以死自誓母及嫂勸解之氏峻拒潛縊死以

上貞烈

未經立傳者附後

張氏

馮積
敬妻

順昌縣人

全氏

徐日
輝妻

徐氏

熊肇
揚母

以上俱將樂縣人

林珍姑

鄭匪
義妻

鄭氏

龔世
敬妻

楊氏

鄧晉
妻

程氏

鄧鳴
琚妻

張氏

盧
夢

妻

何氏

何龍女陳經理妻

曾氏

黃文炳妻

龔氏

楊知新妻

徐氏

黃文諭妻

游

氏

張光堂妻

陳氏

方應泰妻

黃氏

陳元繼室

陳氏

貢生可受妻

鄧氏

生員

員

林日曜妻

王氏

李思國妻

余氏

黃守懋妻

黎氏

楊叔貴妻

李瑞娘

羅粹生妻

鄧

生妻

氏

李克壯妻

饒氏

楊汝采妻

胡氏

曾一燮妻

以上俱

沙縣人

蔡冬蘭

林懋積妻

顏氏

名鏗蕭貞才妻洪武間旌門

徐氏

嚴而泰妻

陳氏

余廷

廷

紀妻

張氏

吳廷保妻

以上俱

尤溪縣人

李氏

余天紀妻

永安縣人

國朝

曾氏張氏

俱將樂蕭定所妻子鳳騰張氏出夫歿共撫一孤始終無間年皆九十五

黃氏

順昌人何憲舉妻憲舉卒子五歲氏閉戶紡織和九課讀迄於成立

張氏

南平諸生葉韞妻年二十二夫亡子復殤氏苦節四十餘年七十一而終

林氏

沙縣人歸陳正標標卒氏年二十七事繼姑以孝聞撫二孤力學長玉輝次善俱遊庠苦節四十餘

年康熙五十四年旌表

羅氏

沙縣鄧光遠妻光遠卒一孤三歲氏年二十誓志苦守會有寇警掖其子以免於難

潘氏

南平人謝允敬妻年二十餘夫喪孤方襁褓氏苦節撫育娶媳楊氏數載而男又卒姑媳共撫遺孫皆以節著

余氏

沙縣人林欽日妻年十九而寡事舅姑孝撫孤子慈始終全節雍正三年旌表入節孝祠

廖氏

順昌人庠生葉紫芹妻年二十六夫歿足不出戶
日事紡織養舅姑撫男女孀守二十五載雍正四

年旌表
入節孝祠

吳氏

順昌人庠生徐天賡妻年二十七夫歿堅志苦節孀
居五十餘載始終不渝雍正五年旌表入節孝祠

黃氏

將樂人楊樹敏妻夫故氏年二十八二子俱幼氏
勤紡績養舅姑撫二子長州鶴庚子舉人次天鶴

丁丑
歲貢

汪氏

將樂人庠生謝兆熊妻年二十八夫亡欲以死殉
女弟勸以乳子無依乃矢志撫孤閉戶紡績力營

窀穸葬舅姑以成夫志甲寅耿變攜子走竄窮鄉艱
苦備嘗始終全節年六十二卒雍正五年旌表入

節孝
祠

楊氏 將樂人 邱念祖妻 饗飧不給 克盡婦道 夫歿 氏年二十四 喪葬盡禮 忍饑扶孤 娶媳苦守 三十餘年

雍正五年 旌表入節孝祠

廖氏 將樂人 楊成久妻 夫死於寇 氏年二十五 誓不共戴 與伯姊買舟入城 每次常口灘月昏波激 舟幾

覆 氏呼曰 天其絕吾夫後乎 吾娠三月 幸留一綫 俄而順風揚帆 送舟泊岸 於是鳴官討賊 復仇 生男名嗣 武撫之 成名 孀守五十餘年 雍正五年 旌表入節孝祠

林氏 尤溪人 蕭應正妻 正卒 氏年二十三 遺孤二 立志孀守 冰心自持 壽八十一 雍正五年 祀節孝祠

盧氏 尤溪人 庠生洪鼎乾妻 乾赴舉 卒 氏年二十三 遺腹生男 撫育訓誨 孝養老姑 自處以禮 三十餘年

如一日 雍正五年 祀節孝祠

邢氏

永安人李允義妻二十五而寡奉百歲姑甘旨無缺撫孤兒成立卒年五十七雍正五年旌表入

節孝祠

羅氏

永安人年二十歸劉高慈七載慈卒孀守終身撫五齡繼嗣以延宗祧卒年五十二雍正六年旌

表入節孝祠

鄧氏

永安庠生李雍妻年二十一夫歿勵志撫孤歷節三十五載雍正六年旌表入節孝祠

羅氏

永安人邢曰都妻夫死年二十五苦節六十年雍正七年旌表入節孝祠

廖氏

將樂人庠生楊成恩妻年三十夫卒無子欲殉叔姒即氏族妹亦蚤寡勸止之氏乃與姒同守撫猶

子如己子年七十二卒

黃氏

將樂庠生廖啓烘妻年十九寡苦節至七十歲卒雍正八年旌表入節孝祠

廖氏

將樂人廩生楊廷偉妻年二十九夫卒孤寡祐五歲氏忍死孀居足不踰閭人無間言

楊氏

永安黃昌裔妻年二十六夫死奉姑撫子矢節終其身

潘氏

將樂人庠生何斌妻夫歿年二十餘或勸改適氏剪髮自誓泣曰何氏三世守節吾敢有忝諸先姑

耶延師課子沒齒無笑容年六十終

俞氏

順昌吳公桃妻蚤寡守節撫孤歷三十餘年雍正八年旌表入節孝祠

吳氏

將樂人伍周仁妻孝事老姑夫卒孤共辛甫四月氏撫教之長入庠又天氏偕婦撫育諸孫艱苦備

嘗年八十餘

楊氏

將樂人廖鴻度妻度沒氏年二十七撫孤天任復夫氏同孀媳辛勤撫三孫孫傅齡列庠佑齡登丙

午鄉薦年六十五終

黃氏

永安人舉人鄧憲文母年二十四歸諸生鄧頤夫死遺孤二長四齡次未週氏抽刃自刎者再翁姑

力勸止迨長子麟生遊於庠仲憲文漸成立一日指頸中刃痕泣語諸孤曰吾偷活已十六年今得見汝父於九原矣翼日托疾不服藥匝旬而逝時年四十有二

邢氏

永安人諸生鄧可大妻二十六夫亡撫三孤翁卒拮据襄事子錫祺名列於庠年七十二卒

賴氏

永安人諸生陳羽龍妻夫病顛天願以身代夫卒氏年二十四遺孤在襁危喪具啜泣成禮含痛鞠

孤又經營兆域葬及三世以苦節持門戶者四十餘年

戴氏

永安賴允治妻夫歿氏年二十八矢志事孀姑撫

陳氏

永安諸生林崇妻夫歿氏年二十九卧夫柩旁盡

三載雍正十年旌表入節孝祠

林氏

永安庠生黃哀妻年二十八而寡有百歲老姑孝

與姑林莞莞相依一門雙節林年七十九張年六十五俱雍正十年旌表入節孝祠

賴氏

永安人羅世綬妻年二十八夫亡矢志孀居

張氏

永安庠生陳紹祖妻年二十三夫卒紡績撫孤孤復死矢志弗渝年七十八終

鄧氏

永安人歸陳士哲年二十一而寡子螟蛉不類弗克終養氏饑守三十餘年窮老無嗣鄰里欽之

游氏

永安人陳鴻壽妻年十九歸陳二十八而寡事舅姑孝撫三孤有成至六十二歲歿

張氏

永安人陳尚堯妻年二十六而寡奉養姑孝鞠襁祿遺孤矢節五十餘年

陳氏

永安人范鉦妻年三十寡遺孤三守節盡孝課子成名壽至八十

曾氏

永安人許文表妻于歸八載夫歿未幾子復夭撫孫成立備歷艱辛節操彌勁

陳氏

永安庠生謝瑄妻年二十四夫亡即欲死殉念孤兒無依苦守五十四載

賴氏

永安庠生張昌任妻年十八歸張七載夫喪守節撫子娶婦馮舉一孫子又夭兩孀相依撫孫成立

卒年八十

吳氏

永安鄧文祥妻二十九而寡事垂老翁姑撫襁褓孤兒後兇孫咸登仕籍人以為節孝之報

潘氏

永安楊士崇妻蚤寡孝養翁姑育兩孤子矢節不二

聶氏

永安林鳳任妻年二十八而寡為夫擇嗣冰操不渝卒年六十有六

林氏

永安陳舜裔妻蚤喪夫遺孤甫週苦守撫育志同金石以節終

范氏

永安庠生羅淑妻年十八歸羅二十七年寡事姑以孝課子入庠苦節三十八年

查氏

永安庠生游日弘妻年二十歸游二十九而寡媳陳氏復孀氏與婦共撫孤孫長娶賴氏生兒週歲

復殤一門三寡並矢貞白壽七十

饒氏

永安鄧琳樞妻年二十九而寡鞠孤兒成立年七十四卒

郭氏

永安許建昌妻年二十九而寡孝養翁姑育四孤子茹苦二十三年

賴氏

永安李永芳妻年二十而寡撫孤成立孀居五十七年

鄭氏

永安王翔吉妻夫亡斷髮矢志凜若冰霜

陳氏

永安林燕魁妻蚤寡守節至年七十二

余氏

永安陳弘策妻年二十六夫死事孀姑孝撫孤成立歷節三十七年雍正十一年旌表入節孝祠

李氏

永安儒童陳君聖妻年二十二夫卒歷節三十三年雍正十二年旌表入節孝祠

林氏

將樂縣祠生楊繩祖妻蚤歲孀守撫三孤成立雍正十三年旌表入節孝祠

陸氏

沙縣人張擴妻年十八于歸越二載夫偶孀居守志始終一節雍正十三年旌表入節孝祠

以上節孝

孫氏

順昌人諸生孫綦升女適陳一證年十九丁亥土寇陷城氏被繫賊營潛自縊死

林杰女

遭賊掠投水死與孫氏稱二烈云

蔡德音

順昌范鑄妻寇亂擄掠子女蔡隨夫匿虎穴山賊勢急逼謂夫曰爾逃命母顧我自縊而死

蕭氏

將樂人伍其清妻嫁未彌月夫卒痛哭自縊死本邑有雙烈亭祀余氏張氏並祀蕭改名三烈設在

學左

陳氏

沙縣人余順老妻順老外出陳氏獨處忽有強暴入卧內欲犯之堅拒不從致扼喉死康熙六十一

年旌表

曾氏

尤溪廩生邵弼勳妻舉人曾異撰女幼通經史隨邵避亂入山邵為賊執細辱不堪割其左耳氏於

林莽中窺見出給賊曰幸釋夫願以身從賊釋邵挾氏以行氏見夫去罵賊投崖下賊殺之雍正五年入

節孝祠

林氏

尤溪人庠生黃季儒妻為郭賊所執欲污之氏罵不絕口賊殺其二子罵如故又殺其女及夫氏曰

有死而已決不受污遂遇害雍正五年入節孝祠

吳氏

尤溪人徐聞淑妻為山寇李月高所執欲污之不屈投崖而死雍正五年入節孝祠

陳氏

永安人生員鄧麟生妻年十七適鄧五年夫歿四日自縊死

熊孝女

名烈姑將樂人貢生熊彭年女母死欲殉父諭之曰女從母死忍使我增慟耶女掩淚骨立父

病篤侍湯藥不少懈及歿女號曰前以老父故不得死今何以生為闔戶自經年十四聞者哀之

蔡順娘

順昌趙必珩妻冠亂夫被賊殺氏與夫妹匿山中指古龍井相誓曰賊至吾二人死此俄而賊

至姑嫂攜
手投井死

賴氏

永安人張可表妻年十八適張未幾夫卒誓不改適壁間遍書烈女不事二夫六字服滿閉戶自縊

死

梅氏

南平人字丁弘緒未婚而卒女年方十六投繯以殉

章氏

南平人適陳弘謨一載而弘謨亡氏矢志相從遂自經死

黃氏

永安人夫林階供學宮役性嗜酒家窶甚謀鬻婦黃不從艱折備至不為動久之自度不免竟投繯

死

王氏

永安黃者定妻夫死有遺腹不
即殉既生女遂悲悼弗食死

程氏

永安陳道遠妻夫歿於外聞訃哀
哭絕粒柩還喪葬盡禮從容以殉

王氏

沙縣人仲仁女年十六獨處時強暴汚其手女羞
忿赴水死有司獲強暴置之於法雍正十三年

旌表

曾氏

永安曾守德女許字鄧元英未歸而元英
歿氏聞訃即自盡督學劉以青扁其門

以上貞

烈

福建通志卷五十七